

1573

83

\$ - 78



2011

510

Վարդելու պատճեններ

Հ Ա Յ Ա Կ (16) Հ Ր Ա Տ + Բ Ժ. Ա. Բ ՈՒ Թ Ո Ւ Ղ Ե Ո Ւ Թ Ի Կ (16)



ՄԻՆԻՕՆ,
ԵՐԱԺԵՏԻ ԱՂՋԻԿԸ

ՊԱՏՄԻԱԾՔ ՖՕՆ-ՌՕԴԵՆԻ

Գինը 20 կուգեկ

ԹԻՖԼԻՍ
Տպարան Ն. Աղանեանի, Պոլից. 7
1916

ՄԻՆԻՕՆ,

ԵՐԱԺԵՏԻ ԱՂՋԻԿԸ

ՊԱՏՄԻԱԾՔ ՖՈՆ-ՌՈԴԵՆԻ

Թարգմ. Ա.Թ. ԽՆԿՈՅՑԵԱՆ



ԹԻՖԼԻՍ
Տպարան Ն. Աղամինարի, Պոլից. 7
1916

Варъ-Патрикъ,

14330
get out &
Lay back 1 m
Dinner
Breakfast



զ Ա Ր Կ Ի Ւ Ը

Նոյեմբերից ցուրտ օրերից մէկն էր. **Փչում** էր սաստիկ քամին. Ի՞նչեր չէր անում այդ չարաձին. **Մէկի** հովանոցն էր խլում ձեռքից, միւսի գլխարկն էր թոցնում. Գլխարկը գլուռում էր, տէրն էլ ետևից վազում էր. Հրապարակի վրա, քաթանի ծածկոյթի տակ, կուչ էր եկել խնձոր ծախող կինը. Յանկարծ քամին մի ուժեղ թափով քշեց ծածկոյթը. Կինը խնձորի զամբիւղը ձեռքին վազեց ծածկոյթի ետևից, սայթաքեց, վայր ընկաւ, խնձորները շուռ եկան, գլուցեցին սառած ճամփի վրա. Երեխաները դէսից դէնից վրա թափուցին և հաւի նման վեր քաղեցին խնձորները. Այդտեղ նրանք վիճեցին, իրար հրճեցին, բոթբթեցին և իրենք էլ սայթաքեցին, գլուցեցին գետին.

Հուսամուտում նստած հացթուխը չի բուխը բերնին տես-
նելով այդ պատկերը, բարձր քրքռում էր:

Այդ ժամանակ մի մասու լուսամուտը բաղկեց:

— Այս կին, լուսամուտը բար առաջ, տես ո՞վ է:

Լուսամուտի առաջ կանգնած էր մի փոքրիկ, լղարիկ մարդուկ, որ ողորմելի տեսք ունէր: Դա ջութակահար էր, որ ապրում էր նրանց տան ետևի ֆլիգելում. նա երկու բուլկի էր ուզում, նա դողում էր ցրտից, իսկ երբ ձեռները մեկնեց բուլկիներին, խեղճին բռնեց մի այնպիսի սաստիկ հազ, որ ստիպւած էր յենւել պատին:

Հացթուխի կինը կատարելապէս անտարբեր նայում էր
թշւառին։ Նա արդէն հինգ տարի էր, որ ապրում էր նրանց
տանը և կինը ընտելացել էր նրա ողորմելի տեսքին, որ այս
անգամ աւելի թշւառ երեաց։ Ինչպէս երեսում էր, խեղճի մահը



(3353-2007) 1446-2007

մօտեցել էր: Կինը բուլկիները լուսամուտից դուրս դրեց և շտապով լուսամուտը շնկալէն վրա դրեց:

Հացթուխը, լսելով երաժշտի հազը, դուրս եկաւ, մօտեցաւ հիւանդին, ձեռքը դրեց նրա ուսին և քաղցրութեամբ ասաւ.

—Ներս մտէք սենեակ, տաքացէք: Այդպէս հազ ունեցողը չը պէտք է այդպէս բարակ հագած դուրս գայ: Դուք ամրակազմ մարդ չէք:

Երաժիշտը հլու, ինչպէս մի մանուկ, հետևեց տանտիրութը: Այդ այցելութիւնը իսկի էլ չուրախացրեց տանտիրուհուն: Նրա ի՞նչ գործն էր թէ մի ուրիշը վիշտ ու ցաւ ունի: Նա իր կեանքում իսկի մէկին բարիք չէր արել. նա մտածում էր միմիայն իր և իր երեխաների մասին, նամանաւանդ իր սիրելի, իր մեծ որդի Բրունօի մասին, որին պաշտում էր և երես էր տալիս. Բոլոր ազքատներին նա մուրացկաններ էր անւանում: «Այսօր եթէ մէկին մի բան տամ, վաղը հարիւրներով կը թափւեն», — ասում էր նա.

—Մի բաժակ գինի խմեցէք, — սիրով առաջարկեց հացթուխը, — դա ձեզ կը կազդուրի:

—Ի՞նչ ես անում, — բարձր ձայնով ասաւ կինը, — դա Բրունօի գինին է: Երբ որ երեխի դասերը շատ են լինում, մի բաժակ տալիս եմ, որ ուժերը կազդուրւեն. — ասաւ ու մօտեցաւ մարդուն, որ նրա ձեռքից խլի:

—Ես այդ շատ լաւ եմ հասկանում, բայց միթէ դա պակաս օգտաւէտ կը լինի հիւանդ մարդու համար: Մնացած գինին տարէք ձեզ հետ, տանը կը խմէք: Երբ որ այս գինին վերջանայ, ես նորը կուղարկեմ:

Հացթուխը զօռով շիշը յանձնեց երաժշտին, որ երկչուտ հայեցքով նայում էր բարկացած տանտիրուհու վրա: Այդ բոլորը չէր: Վերցրեց մի թղթէ տոպրակ, մէջը մի քանի հաց դրեց և վրէն էլ չամչով մի բլիթ ու ասաւ. — Սա էլ տարէք ձեր աղջկան: Նա էլ հիւանդուտ տեսք ունի:

—Իհարկէ, զարմանալի չէ որ նա այդպէս է, — ծաղրելով ասաւ կինը. — Երաժշտութիւնից դեռ ոչ ոք չէ հարստացել: Ձեր

տանը առաւօտից մինչեւ երեկոյ երգ ու խաղ է: Դուք իմացէք որ ձեր վերի յարկում ապրող կօշկակարը գանգատաւոր է ձեղանից: Նա ասում է որ նոր Տարուց յետոյ կը թողնի իր բնակարանը, եթէ շարունակվի այդ երաժշտութիւնը:

—Մի քիչ էլ համբերեցէք տիկին, — աղաչում էր երաժիշտը, — մնացած վարձը կը վճարեմ: Հէնց որ մի քիչ ուղղւել եմ, շատ կաշխատեմ: Միւս շաբաթ արդէն ես նւագախմբի մէջ պէտք է մտնեմ: Տեսուչը արդէն ինձ առաջուց երեք մարկ փող է վճարել:

Եւ նա գրպանից փողը հանեց:

— Դրանք դատարկ-դատարկ խօսքեր են, — խստութեամբ պատասխանեց տանտիրուհին:

— Ոչ, ոչ, ձիշտն եմ ասում, միայն ի սէր Աստծու բնակարանից ինձ դուրս մի անէք: Եթէ կօշկակարը չի ուզում լսել իմ աղջկայ վարժութիւնները, լաւ, իմ աղջիկը էլ չի նւագի: Իմ փոքրիկ Մինիօնը... ոչ: Բայց նա կը վշտանայ... ջութակը նրա միակ ուրախութիւնն է:

— Լաւ, լաւ, հանգստացէք, կինս այդ չէր ուզում ասել: Ձեզ դուրս անելու համար խօսք չի կարող լինել: Աստւած ձեզ հետ, հանգիստ տուն գնացէք:

Հացթուխը առաջնորդեց թշւառին մինչեւ դուռը: Զութակահարը շնորհակալ եղաւ և գնաց: Դուրսը դարձեալ ոռնում էր մըրիկը: Հացթուխի կինը կատաղութեամբ նայում էր նրա ետեւից կատւին, որ ընկել էր ոտների տակը, ոտի մի հարւածով շպրտեց դէպի դուռը: Զար կինը մէկի վրա պէտք է թուրք իր բարկութիւնը:

II.


ԵՐԱԺԻՇՏՆ ՈՒ ԻՐ ԱՂՋԻԿԸ

Կամաց բարձրանում էր ջութակահարը իր բնակարանի աանդուխտներով: Նրա շունչը կտրւում էր. քանի անգամ կանգնեց շունչ քաշելու: Նա սաստիկ ծակոցներ էր զգում կող-

քում: Բայց երբոր նրա ականջին հասաւ ջութակի ձայնը, նա մոռացաւ իր ցաւերը, կանգ առաւ և սկսեց լսել:

—Ի՞նչպէս լաւ է նւագում, հրաշք. ի՞նչ սիրտ ու հոգի: Իմ թանկագին Մինիօն, դու մեծ երաժշտուհի կը դառնաս,—վախսաց նա և նրա տժգոյն այտերը կարմրին տւին, իսկ աչքերը ուրախութիւնից փայլեցին:

Նա կամաց բաց արեց դուռը և հէնց որ տեսաւ աղջկան նւագելիս, սիրտը թրթուց:



—Շատ լաւ նւագեցիր այդ կտորը: — Ենդհատեց հայրը նւագածութիւնը և նստեց անկողնու ծայրին:

—Ախ հայրիկ, դու ես, —բացականչեց փոքրիկը: Իր նւագով այնպէս էր տարւել, որ չէր նկատել հօր գալը: —Դու լսեցիր, հա: Է, ի՞նչ, իմա աւելի լաւ դուրս եկաւ քան թէ առաւօտեան:

Հայրը լուռ, գլխով հաւանութիւն տւեց, գրկեց աղջկան

և տխուր նայում էր նրան և մտքումը ափսոսում էր որ շուառվակ այլիս բռնըրովին նւագելու չէ:

—Ապա նայիր, տես՝ ինչ եմ բերել քեզ համար, —անաւ հայրն ու հանեց ըլիթը:

—Ի՞նչ հրաշալի բլիթ է, և ի՞նչքան շամիչ կայ վրան: Գիտե՞ս, հայրիկ, կէսը քեզ կը հասնի: Եկ, սուրճ պատրամտենք:

—Այսօր դու պէտք է մենակ տանտիկնութիւն անես, ես շատ յոզնել եմ:

—Խեղճ հայրիկ, —ասում էր նա տխրութեամբ, նայելով հօր նիհար այտին, —հանգիստ նստիր, ես սուրճը կեփեմ: Դու, ինչպէս երևում է, էլի սաստիկ հազացել ես: Սպասիր. երբոր ես մեծանամ, շատ փող կաշխատեմ, և այն ժամանակ մեծ տան մէջ կապրենք, ուկէ կառքով ման կը գանք, ամեն օր լաւ ճաշ կունենանք: Ի՞նչ լաւ կը լինի, չէ, հայրիկ:

Աղջկը գնաց կրակ անելու, հայրը պառկեց անկողնու վրա և աչքերը ծածկեց:

—Ինձ վատ եմ զգում... գինի տուր... այ այստեղ է... հացթուխը տւեց... Բաժակը բեր:

Մինիօնը բաժակով գինին տւեց հօրը: Խեղճի ձեռքը այնպէս սաստիկ էր գողում, որ չը կարողացաւ բաժակը պահել: Աղջկը վախեցած նայում էր նրա վրա:

—Հայրիկ, ի՞նչ պատահեց: Դու այնպէս գունատ ես, ինչպէս մայրիկը մեռնելիս: Հայրիկ, ի սէր Աստծու, միայն թէ մի մեռնիր:

—Հանգստացիր, աղջիկս, լաց մի լինի, —ասում էր նա դժւարութեամբ: —Մօտեցրն գինին շրթունքներիս... այ այդպէս...

Նա մի երկու անգամ կում արաւ, բայց հազիւ կարողացաւ կուլ տալ:

—Հիմա, այ կը լաւանամ: Նստիր ինձ մօտ, իմ թանկագին Մինիօն: Միշտ խոնարհ և խելօք աղջիկ եղիր:

Աղջիկը սեղմւեց հօր կրծքին և քնքարէն նայում էր նրա վրա:

—Խոստանում եմ քեզ, հայրիկ, որ սրանից յետոյ միշտ խոնարհ և հնագանդ կը լինեմ, —ասում էր Մինիօնը հեկեկալով, գրկած հօրը: —Ես կաշխատեմ լաւ նւազել և իմ առաջադիմութիւնով կուրախացնեմ քեզ:

—Ոչ... երբ ես գնացած կը լինեմ մայրիկիդ մօտ... այն ժամանակ էլ լաւ եղիր... առանց ինձ: Մենք միշտ քեզ հետ կը լինենք, թէ զու մեզ չես տեսնի:

Նա ձեռքը դրեց աղջկայ գլխին, ասես թէ օրհնում էր նրան: Աչքերը յառած էին դէպի երկինք, իսկ շրթունքները աղօթում էին թանկագին մանկան համար, որին անտէր-անտիրական էր թողնելու:

—Ոչ, զու ինձանից չես հեռանայ, հայրիկ, իմ անգին հայրիկ, —կանչում էր աղջիկը դողդոջուն ձայնով:

Հօր դէմքը գունատւել էր և մի տեսակ կերպարանափոխւել էր:

—Նւագիր իմ սիրած տաղը, Մինիօն, շուտ, քանի ուշ չէ,

—հազիւ լսելի ձայնով շնչաց երաժիշտը, բայց Մինիօնը լսեց:

Նա վերցրեց ջութակը և հօր սիրած երգի հրաշալի ձայները հոսում էին իրար ետևից: Երբոր վերջին ձայնը կտրւեց, հայրը խփեց աչքերը և լիակատար հանգստի և խաղաղութեան արտայայտութիւնը հանգչում էր նրա գունատ դէմքի վրա: Աղջիկը կամաց տեղը դրեց ջութակը, որ հօրը չը զարթեցնի, և ոտների պճեղների վրա մօտեցաւ մահճակալին: Զեռքերը խաչած, աչքերը հօր վրա գցած, նստելէր փոքրիկը անկողնու ծայրին:

—Հիմա, երբոր զարթնի, առողջացած կը լինի, —մտածում էր աղջիկը:

Բայց աւաղ: Նա էլ չը զարթնեց: Աշխարհի հոգսերից, գառն ցաւերից ազատւած, փոխւեց մի աւելի լաւ աշխարհ, թողնելով իր թանկագին աղջկան բոլորովին մենակ այս լայն աշխարհում:

Ո Ր Բ Հ Ը

Իրիկունը վրա հասաւ: Սենեակը մթնեց, ցրտեց, քամին տխուր վչում էր ծխնելոյզի մէջ: Աղջիկը սարսափում էր: «Գոնէ հայրիկը զարթնէր»:

—Հայրիկ, զու քնած ես:

Պատասխան չըկար:

—Դու էլի քնած ես, —ասաւ նա բարձրածայն և վերցրեց հօր ձեռքը: Զեռքը սառն էր, հայրն էլ անշարժ պառկած էր: Աղջիկը լաց եղաւ:

—Հայրիկ, թանկագին հայրիկ, պատասխանիր ինձ, —թափ էր տալիս հօր ձեռքը, —զարթիր, խնդրում եմ, զարթիր, ես սարսափում եմ:

Մանկան լացը և նրա երկշոտ ձայները գրաւեցին հարեւան լւացարարի ուշագրութիւնը:

Հարևանուհին ներս մտաւ սենեակ, լամպը ձեռքին: Մօտենալով մահճակալին, նա հասկացաւ որ երաժիշտը մահացել է, և բացականչեց:

—Է՛, քո հայրը մեռել է: Եւ շատ լաւ է եղել, որ մեռել է այդ անբախտ մարդը, այս աշխարհի դառն ցաւերից ազատւել է: Աստւած թեթև մահ է տեղ իրան, դրա համար չնորհակալ պէտք է լինի նրանից:

Մինիօնը որ լսեց «մեռել» բառը, ձչաց.

—Ո՞չ, սուտ է, հայրիկը չէ մեռել, —և ընկաւ հօր վրա: —Հայրիկ, բաց արա աչքերդ, նայիր ինձ: Միայն թէ մի մեռնի մայրիկի պէս:

—Մեռելներին պէտք է հանգիստ թողնել, —ասաւ պառաւը և մի կողմ քաշեց աղջկան, —քո հայրը հանգստութեան արժանի է. կենդանի ժամանակ նա բաւական տանջւեց: Աստւած քեզ չի թողնի, նա որբերին չի մոռանայ:

Մինիօնը հոնգուր-հոնգուր լալիս էր: Նա հասկացել էր, որ կը գան սեաշոր մարդիկ և հօրը կը տանեն, ինչպէս տարան մայրիկին:

Լւացարար կինը կարեկցաբար շոյում էր աղջկայ թշիկը:
—Գնանք ինձ մօտ, դու չես կարող այստեղ մենակ մնալ:
Դուցէ դու ազգականներ էլ ունենաս. ես քեզ նրանց մօտ կը
տանեմ:

Մինիօնը բացասաբար շարժեց զլուխը: Ճիշտ որ ամբողջ
աշխարհում մի ազգական չունէր, որ նրա հոգսը տանէր:
Մայրը հեռաւոր երկրից էր, իտալիայից: Տասներկու տարի
առաջ հայրը նւագախմբի հետ գնացել էր օտար երկիրներ
համերգ տալու: Տուրին քաղաքում նա հիւանդացել էր և
ստիպւած էր եղել այնտեղ մնալու: Բնակարան էր վարձել մի
այրի կնոջ մօտ, որ մի ազգականունի է ունեցել, մի գեղեցիկ
աղջիկ: Այդ աղջկան սիրել էր և նրա հետ պսակւել: Աղջկայ
անունն եղել էր Մինիօն: Մօր պատւին իր աղջկայ անունն
էլ գըել էր նոյնպէս Մինիօն: Տատը վաղուց էր մեռել: Ոչ
մայրն էր ազգականներ ունեցել և ոչ հայրը:

—Խեղճ աղջիկ, ի՞նչ ես անելու, ով կը լինի քո տէրը,
քեզ պէտք է որբանոց տամ, հօ չի կարելի քեզ փողոցում թող-
նել, —ասում էր կինը:

Մինիօնը չոքել էր մահճակալի մօտ և, ձեռքերով դէմքը
ծածկելով, դառնագին լալիս էր:

—Վեր կաց, գնանք, —ասաց լւացարարը: Բայց աղջիկը
չը վերկացաւ: Ուսերն ու ամբողջ մարմինը հեկեկոցից ցընց-
ուում էր և յանկարծ նա աչքերը փակ, անշարժ ընկաւ յատա-
կին: Նրա դեռ ջահել, թոյլ ջղերը տանել չը կարողացան այդ
սատիկ անսպասելի ցնցումները, նա ուշքը կորցրեց: Պառաւը
վախեցաւ, կարծելով թէ աղջիկը մեռաւ: Բարձրացնելով նրան
յատակի վրայից, նա տեսաւ որ աղջիկը կենդանի է և թոյլ ցըն-
չում է: Նա զգուշութեամբ տարաւ նրան իր սենեակը, ինսամքով
հանւեցրեց և դրեց իր մահճակալի վրա: Մի առժամանակից
յետոյ Մինիօնը աչքերը բացեց և զարմանքով նայեց իր մօտ
նստած կնոջ վրա, թէ ինչպէս է ինքը ընկել օտարի մահճակալի
վրա: Ի՞նչ է եղել: Ո՞ւր է հայրիկը: Նա քաղց էր զգում. չէ
որ ամբողջ օրը համարեա ոչինչ չէր կերել:

—Ես քաղցած եմ, —ասաւ նա:

Բարի կինը կաթ ու հաց տւեց նրան: Աղջիկը ագահու-
թեամբ խմեց կաթը, հացը կերաւ և նորից քաղցր քնեց:
—Երեխաների վիշտը խոր չի լինում, նրանք կարող են
և լաց լինել, և՛ ուտել, և՛ խմել, և՛ քնել: Եւ լաւն էլ այդ է:
Փոքրիկ արարածաները չեն կարող մեծ վիշտ տանել, —միտսաց
պառաւ կինը:

Նա թեքւեց քնածի վրա և լսելով նրա համաչափ և հան-
գիստ շնչառութիւնը, ցած իջաւ սանդուխաներով և գնաց
տանտիրոջ, հացթուխի մօտ:

Երբոր նա մտաւ սենեակ, հացթուխի ընտանիքը ընթ-
րում էր: Տանտիրուհին շերեփը ձեռքին պատրաստում էր
սուպը լցնելու:

—Ի՞նչ էք ուզում, —հարցրեց նա:

—Երաժիշտը մեռաւ, —պատասխանեց պառաւը, —Ես եկայ
որ ձեզ իմաց անեմ:

Հացթուխը գգալը մի կողմ դրեց և սեղանից վերկացտւ:

—Մեռաւ: Մի քանի ժամ առաջ նա այստեղ էր: Ի՞նչ
է անելու փոքրիկ աղջիկը:

—Այս, ի՞նչ է անելու աղջիկը, —կրկնեց լւացարարը,
շարժելով գլուխը: —Մեռածը աւելի լաւ օրի է, քան թէ այդ
թշւառ աղջիկը, որը զլուխ դնելու տեղ չունի: Նա այժմս
քնած է իմ անկողնում: Բայց ես չեմ կարող շարունակ նրան
ինձ մօտ պահել, ես էլ աղքատ կին եմ, միշտ լւացքի եմ
գնում: Եթէ ես հարուստ լինէի, այդ աղջկան ինձ մօտ կը
պահէի:

—Իհարկէ, դու ինչպէս ուզենաս կանես, —պատասխա-
նեց տանտիրուհին: բերանը լիքը կերակուրով: —Օտար երեխա-
ներին տուն բերելը մի առանձին բաւականութիւն և բախտա-
ւորութիւն չէ: Ինչու երաժիշտը կենդանի ժամանակ հոգս չէր
տանում իր աղջկայ վրա: Ամեն մի պարտաճանաչ հայր այդ
բանը ամենից պահած պէտք է հոգայ:

—Սպասիր, կարելի է նա մի որեւէ զրաւոր կարգադրու-
թիւն է թողել, —անհամբերութեամբ աւելացրեց հացթուխը:

—Թողել է, չէ թողել, ոչ իմ գործն է և ոչ քո գործն է:

Զարժէ դրա համար ընթրիքը սառեցնել։ Նստիր և հացդ կեր,
—ասաւ տանտիկինը։

—Ո՞չ, ես չեմ կարող ընթրել։ Մահը եկել մօտեցել է
մեզ։ Գնանք, —ասաւ նա պառաւին, —ես վեր կը բարձրանամ
և կը տեսնեմ թէ ինչ է կատարւում այնտեղ։ Գուցէ հան-
գուցեալը գրել է թէ որտեղ պէտք է տեղաւորել աղջկան
իր մահից յետոյ։

—Միթէ դու այդ բանը չես կարող անել ընթրիքից յե-
տոյ։ Մէկ էլ որ, ի՞նչ կարիք կայ խառնւես այն բանի մէջ, որը
քեզ չի վերաբերում։ Ամեն մարդ իր հոգսերն ունի, էլ ի՞նչու
քիթդ կոխում ես ուրիշի գործերի մէջ, —չոր նկատեց հաց-
թուխի կինը և չարութիւնից կարմրեց։

Բայց ամուսինը ուշը չը դարձնելով իր փնթփնթան կնոջ
վրա՝ լւացարարի հետ միասին դուրս եկաւ սենեակից։

Երաժիշտը ոչինչ չէր թողել, ոչ մի տող գիր ու ոչ մի
կոպէկ փող։ Երա թողած ժառանգութիւնը այն երեք մարկն
էր, որ մահից առաջ ստացել էր տեսչից։ Իրեր էլ չը կային,
որոնց վաճառումից մեռելին թաղելու փող լինէր։

—Այ կին, աշխատեցէք թաղել տալ այս աշխատաւոր
մարդուն։ Եթէ փողի պակասութիւն լինի, ինձ իմաց արէք։
Ես չեմ ուզում որ երաժիշտը թաղւի, ի՞նչպէս մի մուրացկան։

—Իսկ աղջիկը, —հարցրեց լւացարարը։

—Աղջկան բերէք ինձ մօտ, մինչև որ նրա համար մի ա-
պաստան գտնւի։ Առ այժմս բարի գիշեր, —ասաւ հացթուխն
ու գնաց։

Լւացարար կինը սանդուխտի գլխից լոյս արեց և ետեից
կոչեց։

—Աստծու օրհնութիւնը ձեր վրա լինի, Դուք բարի
մարդ էք։

Միւս օրը առաւօտեան կանուխ հանգուցեալի գիշերը
դուրս բերին տնից և տարան եկեղեցի, ապա գերեզմանատուն։
Լուռ, առանց երգի և զանգահարութեան, առանց ծաղիկների և
պսակների հեռացաւ խեղճ երաժիշտը իր մշտական բնակա-
րանը։

Մինիօնը գիշերը շատ լաւ քնեց։ Բնութիւնն իրենն արել
էր։ Այնպիսի սաստիկ ցնցումներից յետոյ նա կազդուրեց
թշւառ որբին մի քաղցր քնով։

Բայց երբոր աղջիկը զարթնեց, ամենից առաջ հարցրեց
թէ ուր է հայրիկը։

—Թո հայրիկին հրեշտակները տարան երկինք, զու էլ
չես կարող գնալ նրա մօտ, —հանգստացնում էր նրան լւացա-
րար կինը։ —Նա հիմա քո մայրիկի հետ երկնքումն է։

—Ինձ էլ շուտով կը տանեն երկինք։ Հրեշտակները շու-
տով կը գան իմ ետևից։ Ես հիմա եմ ուզում գնամ հայրիկիս
մօտ, տար ինձ նրա մօտ։

—Այս, այս, նրանք կը գան քեզ էլ կը տանեն, —մխիթա-
րում էր նրան բարի պառաւը. —Իմաց վեր կաց, սուրճ խմիր,
յետոյ կը հաւաքենք քո իրերը։ Հացթուխը ուզում է քեզ
վերցնել իրեն մօտ։ Դու ամեն օր կուշտ կուտես, տաք սե-
նեակ կունենաս և չես իմանայ՝ ի՞նչ է կարիքը։

Սուրճ խմելուց յետոյ պառաւը աղջկան տարաւ իրենց
սենեակը։

Այնտեղ ամեն բան փոխւած էր այդ կարճ ժամանակա-
միջոցում, ամեն ինչ տակն ու վրա էր եղել։ Երկու մարդ
մի կնոջ հետ կուտում էին տան իրերի համար։ Կօշկակարը,
գերձակը և մագործի կինը, լսելով երաժշտի մահը, եկել
էին մի բան պըծեցնելու պարտքի տեղ։

Դերձակը վերցրեց ջութակն ու ասաւ.

—Սա ինձ կը հասնի, իմ որդին վաղուց է ջութակ է ու-
զում։

Մինիօնը բարձր լաց եղաւ և ձեռքերը մեկնեց գէպի
ջութակը.

—Տնւր ինձ իմ ջութակը, խնդրում եմ, —աղջում էր
աղջիկը արցունքն աշքերին։

—Լաւ, քեզ լինի այդ անպէտք բանը, —կարեկցութիւնից
ձմլւեց գերձակի սիրտը։

Մինիօնը խեց իր սիրելի գործիքը և պինդ սեղմեց իր
կըծքին. —Էլ ուրիշ բան նրան պէտք չէր։

— ԽԵՂԱ ԵՐԵԽԱՅ, ՍՐԱՆՔ ԱՄԵՆ ԲԱՆ ՏԱՐԱՆ, ԹՎԱԼԱՆԵցին
ՔՈ ՀՕՐ ՄՈՒՆԸ, — ԱՍԱւ Լւացարար կինը, — ԳՆԱՆՔ ՀԱԳԹՈՒՄԻ
ՄՈՏ:

IV.

ԱՌԱՋԻՆ ՕՐԸ ՀԱՅԹՈՒԽԻ ՏԱՆԸ

Աղջկայ ձեռքից բռնած, լւացարարը դուրս եկաւ դատարկ
բնակարանից և գնաց հացթուխի մօտ: Նրանք մտան խոհա-
նոցը. Պառաւը ուզում էր խօսել Քրիստինէի հետ, որ երկար
տարիներ ծառայում էր հացթուխի ընտանիքում:

— Բարի լոյս, Քրիստինէ, աղջկան բերի ձեզ մօտ:

— Այդ իմ բանը չէ, — Գնթփնթաց նա և սկսեց իր գործն
անել:

— Պարոնը հրամայեց որ որբին բերեմ. Բնչում էք այդ-
պէս բարկացած. Խնդրեմ մանկանը տանէք իր սենեակը,

— Ես իսկի էլ չեմ բարկանում, բայց չեմ էլ ուրախա-
նում, որ տան մէջ կուածաղիկ է գալու: Այսօր առաւօտեան
կարգին աղմուկ, խայտառակութիւն բացւեց. պարոնը ուզում է
որ աղջկան ընդունէ, բայց կինը չի ուզում: Աղքատութիւնը
վատ բան է, ես և դու այդ բանը լաւ գիտենք, բայց աղքա-
տութիւնը պակասութիւն չէ: Դուք ինքներդ տարէք աղջկան
պարոնի տուն: Եթէ պարոնը ասել է, անշուշտ իր խօսքը կը
կատարի:

Քրիստինէն ներս թողեց լւացարարին և աղջկան, իսկ
ինքը մաց դռան մօտ կանգնած:

— Մայրիկ, ահա նա, երաժշտի աղջիկը, — բացականչեց
Բրունօն, որ պատրաստում էր եկեղեցի գնալու և կանգնել էր
դռան մօտ աղօթագիրքը ձեռքին. նա մնացել էր, որ տեսնի,
ով յաղթէ, հայրը թէ մայրը:

— Ի՞նչ ես ուզում, — հարցրեց նա մօտենալով Մինիօնին,
որը վախից կպել էր լւացարարին, — կորի այստեղից, ինչու
ես, եկել:

— Պուճուր պարոն, — ասաւ լւացարար կինը, — այդ քո

ծնողների բանն է, ինչու ես այդպէս սրաակտուր խօսքեր ա-
սում, գեռ աղօթատետրն էլ ձեռքիդ է, ժամ ես գնում:

Հացթուխի կինը աեղից վերկացաւ. մինչեւ հիմա նա այն-
պէս էր ձեացնում թէ դէպի լուսամուտն է նայում: Այն ինչ
լսում էր լւացարարի և իր որդու խօսակցութիւնը: Որդու
խօսքերը իր սրտով էին:

— Դուք խնդրեմ իմ որդուն բան չը սովորեցնէք, — ասաւ
նա, խիստ նայելով պառաւի վրա: — Դուք չէք հասկանում, որ
նա ձիշտ է ասում: Մենք չենք կարող որբեր պահել: Որբա-
նոց տարէք, այնտեղ է նրա տեղը:

— Գնանք, — շնչաց խեղճ աղջիկը լւացարարին, — այդ չար
կինը ինձ կըսպանի:

Մեղանի շուրջը նստել էին նրա երկու փոքրիկ որդիքը,
Աւգուստը 12 տարեկան և Կուրտը 10 տարեկան: Նրանք բե-
րանները բացած նայում էին աղջկայ վրա:

— Նա ջութակ է ածում, — շնչաց եղբօր ականջին փոք-
րիկ Կուրտը:

— Աղջիկը ջութակ ածի՞, — Կուրտը չը կարողացաւ ծիծա-
ղը պահի, այն աստիճան այդ բանը նրան: ծիծաղաշարժ էր
երկում:

Աւգուստը ոչինչ չը պատասխանեց. նա վախվիսելով և
կարեկցաբար աչքերը մէկ մօր, մէկ էլ Մինիօնի վրա էր դարձ-
նում:

Բարի լւացարար կինը երբէք իր կեանքում այդպիսի
անգութ սիրո չէր տեսել: Առհամարակ նա լացկան չէր, բայց
այստեղ նրա աչքերին արցունքներ երևացին: Նա ձեռքը դրաւ
աղջկայ գլխին և դողդոջուն ձայնով ասաւ:

— Լաւ, սա ձեզ համար ծանրութիւն չի լինի, ես ինքս
հոգս կը տանեմ այս որբի վրա: Ես հարուստ մարդկանց
լւացքն եմ անում, հէնց այսօր կանցնեմ նրանց մօտ և կը
խնդրեմ որ մի բան անեն այս որբի համար: Իսկ առայժմ ս
որան կը տանեմ իմ աղջկայ մօտ: ծիշտ է, նա աղքատու-
թեան մէջ է չորս երեխաներով, բայց նա որ իմանայ թէ

այս աղջիկը բոլորովին դռանն է մնացել, սրան կը կերակրի իր սեղանից. ես լաւ եմ ճանաչում նրա բարի սիրտը:

—Հէնց դրանից էլ պէտք է սկսէիր, էլ ինչու էր պէտք այս կառակերգութիւնը: Դուրսը մնացած անտէր ու անանուն երեխաներին փոխանակ կարգին մարդկանց մօտ բերելու, պէտք է տանէիք որբերի ապաստարան: Դուք այդքանը պէտք է հասկանայիք:

Մինիօնը ինքն էլ չէր հասկանում թէ ինչու, բայց այդ կինը նրան վախ ու սարսափ էր ազգում: Նա մինչև անզամ նրա խօսքերի նշանակութիւնը չէր հասկանում, որովհեակ երեկ այդպիսի բան չէր լսել: Ա՛խ, երանի թէ հայրիկը այս խօսքերը կարողանար լսել: Նա, որ միշտ իրեն հետ խօսում էր այնպէս քաղցր, այնպէս քնքուշ: Աղջիկը այնպէս էր տարւել իր մտքերով, որ չը նկատեց թէ ինչպէս իրեն մօտեցաւ Աւդուստը:

—Մի լաց լինի, —մօտենալով նրան, ձեռքից բռնելով ասաւ Աւգուստը, —մենք քեզ չենք վիրաւորի: Մայրիկ, թող սա մեղ մօտ մնայ, —խնդրեց նա մօրը:

—Լոիր, յիմար տղայ, —դարձաւ դէպի նրան մեծ եղբայրը Բրունօն: —Դու կարծում ես թէ բան չարժէ: Ճիշտ որ, մայրիկ, հօ դրա վրա մեր փողը ծախսելու չենք: Կորի այստեղից, ինչ ես կանգնել:

Նա ուզում էր աղջկան դուրս շպրտել դոնից, բայց յանկարծ հօր ծանր ձեռքը բռնեց նրա վզակոթից:

—Ամաչիր, միթէ դու չես խղճում այս մանկան: Դու ժամ ես գնում և այդպիսի անխի՞ղճ խօսքեր ես ասում: Կորի այստեղից, խնդրիր Աստծուն, որ քեզ խիղճ տայ:

Ասաւ ու գուրս հրեց դոնից:

—Սպասիր դու, մուրացկան, —փնթփնթաց Բրունօն փողոցում, բռունցքները սեղմած, —դու այդ չես մարսի, տեղը կը հանեմ:

—Իսկ դու, այ կնիկ, կարգադրիր, որտեղ պէտք է դիշերը քնի աղջիկը: Նա կը մնայ մեղ մօտ, դա իմ վերջն խօսքն է:

—Ուրեմն ընդմիջա, —ձաց տանտիկինը և այնպէս արագ վեր թռաւ աթոռի վրայից, որ շուռ տւեց նրան: —Մի ժամ առաջ դու ասում էիր որ մեզ մօտ կը մնայ, մինչև նրա համար մէկ ապաստան ճարւի, իսկ հիմա ուզում ես ընդմիջա մեզ մօտ մնայ: Տեսնում եմ, որ այս տան մէջ գէրօ եմ դու հրամայում ես, ես պէտք է կատարեմ: Քեզ համար միենոյն է որ մենք կտրում ենք մեր երեխաների բերանից: Դու կարծում ես թէ աղջկայ պահելը ոչինչ չի նստի: Իսկ դպրոցի թոշակը, հազցնել-կապցնելը, պահելը, դու կարծում ես այդ ամենը երկնքից կը թափւի:

—Այդ մասին մի հոգայ, այդ իմ գործն է: Հացի համար ես ասում, մենք հաց ունենք, մնացածը ես կը հոգամ: Մօտեցիր ինձ, —դարձաւ նա և բռնեց աղջկայթից: —Դու կը մնաս մեղ մօտ, իսկ դուք, փոքրիկներ, լաւ վարւեցէք որա հետ: Սա ոչ հայր ունի և ոչ մայր: Չը մոռանաք այդ բանը:

Կայծակի արագութեամբ Աւգուստը տեղից թռաւ և աթոռը դրեց իր աթոռի մօտ:

—Նստիր այս աթոռին: Նայիր, հայրիկ, ինչպէս փոքր է դեռ, սեղանից բարձր չէ: Ինձանից ցածր է:

Հայրը շոյեց նրա մազերը և քնքօրէն շարժեց գլուխը: Կինը լռել էր ու գուլպա էր գործում: Երբ որ ամուսինը դուրս գնաց սենեակից, նա իր ամբողջ բարկութիւնը թափեց լւացարարի գլխին:

—Այս ամենը ձեր սարքածն է. իսկ նեղութիւն քաշողը ես պէտք է լինեմ:

Լւացարարը կանգնել էր ու չէր կարողանում վճռել—աղջկան թողնի թէ տանի: Բայց թէ ուր տանի որբին: Ճար չը կար, բարի կինը աղջկան թողեց հացթուխի տանը և ծանը սրտով դուրս գնաց սենեակից:

Գունատ և երկչուտ նստել էր Մինիօնը ջութակը ձեռքերի մէջ, օտար մարդկանց շրջանում, կարմրաթուշիկ Աւգուստի մօտ:

—Ուզում ես այս պատկերը ընծայեմ քեզ, —ասում էր Աւգուստը, մօտեցնելով գոյնզգոյն պատկերը:



Աղջիկը չը վերցրեց պատկերը և վախեցած նայում էր դէպի դուռը, որտեղից դուրս էր գնացել լւացարարը, և մեծ յոյս ունէր թէ նա կը վերադառնայ:

Բայց լւացարարը չէր վերադառնում, Մինիօնը դառնապէս լաց եղաւ:

—Բաց թող ինձ,—խնդրում էր նա Աւգուստին,—ես այստեղ չեմ ուզում մնալ:

—Ոչ, չի կարելի, դու կը մնաս մեզ մօտ,—հանգստացնում էր տղան արտասուող աղջկան,—մենք իրար հետ կը խաղանք: Ուզում ես ցոյց տամ գրքի պատկերները, այո՞:

—Դասերդ պատրաստիր և հանգիստ թող դրան, —բղաւեց նրա վրա մայրը:

—Ինձ մօտ արի, աղջիկ, —յանկարծ կանչեց հացթուխի կինը Մինիօնին, —ի՞նչ է անունդ:

Մինիօնը տեղից չը շարժւեց և չը պատասխանեց:

—Դրա անունը Մինիօն է, —շտապով պատասխանեց Աւգուստը:

—Քեզ հարցնող չը կայ, ինքը լեզու չունի: Այ աղջիկ, պէտք է պատասխանես թէ ոչ:

—Մինիօն, —շշնջաց վերջապէս փոքրիկը:

—Ի՞նչ, անունդ Մինիօն է, —ասաւ ու ծաղրելով բարձր հռհռաց: —Սրան մի տես, շէն անուն աւեր քաղաքներին: Լաւ չէր այդ փառաւոր անւան տեղ քո հայրը փող թողած լինէր: Մեզ մօտ քո անունը կը լինի Մինօ: Քեզպէս քաղցածին այդպիսի անուն չի սագի: Ի՞նչ ես զուռմ, —յանկարծ բղաւեց նա, վեր թռչելով տեղից և յատակին շպրտելով ձեռքի գուլպան, որի կծիկը գլորւեց սենեակի մէջ: —Զոսցովդ ինձ կատաղեցնում ես: Եթէ ձայնըդ չը կտրես, ես քեզ ցոյց կը տամ:

Նրա խօսակցութիւնը ընդհատեցին մի ինչ որ օտարոտի, սարսափելի ձայներ: Կուրտը վաղուց աչք էր զցել ջութակին, վերջապէս խլեց նրան աղջկայ ձեռքից և սկսեց ճնկճնկի: Մինիօնը վեր թռաւ տեղից և սկսեց կուրտի ձեռքից ջութակը քաշել:

—Այդ իմ ջութակն է, հայրիկո է ինձ ընծայել, —բղաւում էր նա իրեն մոռացած: —Դու չը պէտք է նւագես, տուր ինձ:



Կուրտին ծիծաղեցնում էր նրա բարկութիւնը. Նրան չարանցելու համար ջութակը գլխից վեր էր բռնել: «Թէ կարող ես հասիր, Մինօ», ասում էր նա: Բայց քանի աղջիկը ձեռքերը մեկնում էր գործիքին, այնքան տղան ջութակը աւելի վեր էր բարձրացնում: Վերջապէս մէջ խառնւեց Աւգուստը և բռնեց եղբօր ձեռքից, —երեխաները իրար կպան, մայրը բաժանեց նրանց իրարից և նրանց ձեռքից ջութակը խլեց:

—Դու ի՞նչ իրաւունքով օտարի տան մէջ կոիւ ես ձըգում, —բղաւում էր նա: —Դու անկիրթ աղջիկ, գնա անկիւն: Մինչեւ որ ժամը 12-ը չը խփի, չը հեռանաս այնտեղից: Դուք, երեխէք, ձեր դասերը սովորեցէք, իսկ ով-որ սրա հետ խօսի, առանց ճաշի կը թողնեմ:

Աւգուստը ծածուկ նայում էր ժամացոյցին և հաշւում էր, որ մինչեւ 12-ը դեռ կէտ ժամ էլ կայ:

Երբէք Մինիօնը իրեն այնպէս անբախտ չէր զգացել: Սիրտը պատում էր վշտից: Անկիւնում կանգնած տեղը իրեն համար կրկնում էր. «Թանկագին հայրիկ, արի ինձ տար: Մրանք խլեցին իմ ջութակը»:

Ոչ մի ուշդրութիւն չը դարձնելով աղջկայ վրա՝ հացթուխի կինը բանալիների կապոցը և ջութակը առած՝ սենեակից դուրս եկաւ: Նա բարձրացաւ կտուրը, բաց արաւ մեծ արկղը, պահեց նրա մէջ ջութակը, Մինիօնի վերջին միփթարութիւնը:

Սանդուխտների գլխին նա կանդ առաւ և բաց արաւ փոքրիկ դոնակը, որը տանում էր դէպի մի մութ խուց: Այդտեղ զանազան անպէտք իրեր կային.— Ջարթւած աթոռներ, կոտրած հայելու շրջանակ, ծաղկի անպէտք անօթներ: Հացթուխի կինը անօթները մի կողմ քշեց, ման եկաւ գտաւ հին երկաթէ մահճակալը, որը փոշոտել և բորբոսնել էր, կողովի միջից հանեց բարակ վերմակը և գցեց խոտէ ներքնակի վրա: Բարձն ու տաք վերմակը աւելորդ զարդարանք համարեց: «Աղքատներին հարկաւոր չէ երես տալ, Աղջկը, չը պէտք է մոռանայ, որ ինքը ոշինչ չունի, նա էնքան պէտք է աշխատի, մինչև որ ձեռքերը աշխատանքից ցաւեն»: Նա դուրս եկաւ խուցից և իջաւ խոհանոցը:

— Քրիստինէ, աղջկայ շորերը տար վերնատուն, նա այնտեղ կը տեղաւորւի: Աւելը տուր, թող նա գեռ մաքրէ, թու կը հսկես նրա վրա:

Քրիստինէն լուռ էր, բայց տխուր շարժում էր գլուխը:

V.

Ք Ր Ի Ս Ի Ն Է

Խփեց ժամը 12-ը: Երեխաները հաւաքեցին սեղանի վրայից իրենց գրքերը, այնպէս որ ժամացոյցի վերջին զնդոցի հետ Քրիստինէն ներս մտաւ սեղան բանալու:

— Մայրիկ, կէս ժամն անցաւ, Մինիօնը կարող է գալ անկիւնից,— բացականչեց Աւգուստը:

— Նրա անունը, իմացիր, Մինօ է,— ուղղեց մայրը որդուն և դարձաւ դէպի աղջիկը.— զնա խոհանոց, քո տեղն այստեղ չէ. դու սենեակ կը գաս, երբոր քեզ կանչեն. դու մեր հասարակութեանը չես պատկանում:

— Ոչ,— տէր կանգնեց հացթուխը,— ես համաձայն չեմ դրան: Մենք ընդունեցինք երեխին մեր ընտանիքի մէջ և նա մեզ հետ միասին պէտք է սեղան նստի:

Քրիստինէն Մինիօնի համար էլ աման բերեց և դրեց բրունօի և Աւգուստի ամանների մէջտեղը:

— Այ այստեղ էլ կընստես, — ասաւ հացթուխը աղջկան, — սա կը լինի քո մշտական տեղը:

— Ժամը ժամին չի բռնում: Էնտեղն ենք հասել, որ մուրացկաններն էլ աղաների հետ սեղան են նստում:

— Կեր, — շշնջաց Մինիօնին Աւգուստը, տեսնելով որ աղջիկը ձեռք չի մեկնում դէպի սուպը. աղջիկը չէր ուտում:

Ճաշից յետոյ Քրիստինէն տարաւ աղջկան վերնատուն, որ նա կարգի բերէ նրան: Աւգուստը շատ էր ուզում Մինիօնի հետ գնալ, բայց վախենում էր մօր պատժից: Բրունօն ծաղրելով ձայն տւեց Մինիօնի ետեից.

— Այնտեղ քեզ մկները կուտեն:

Մինիօնը մտաւ վերնատունը և չէր իմանում թէ ինչ պէտք է անէր:

— Աւէէ, յետոյ ես կը գամ քեզ մօտ, — ասաւ նրան Քրիստինէն:

Աղջիկը վերցրեց մեծ աւելը, փորձեց աւել, բայց չը կարողացաւ, աւելը իրենից մեծ էր: Տեսաւ որ չի լինի, նըստեց ու լաց եղաւ:

Յայտնի չէ քիչ լաց եղաւ թէ շատ, քունը տարաւ ու քնեց: Քրիստինէն երեկոյեան դէմ եկաւ և նրան քնած գըտաւ: Զարթեցրեց քնած աղջկան, տարաւ իր հետ խոհանոց, նստեցրեց վառարանի մօտ և ասաւ. «Մինուշ, տաքացիր, այ

քեզ սուրճ և սպիտակ հաց, կեր և խմիր, քաղցած կը լինես»:

Բարի ձայնը և քաղցը վերաբերմունքը աղջկայ սիրտը գրաւեցին: Քրիստինէն ուրախացաւ, տեսնելով թէ ինչ բաւականութեամբ աղջկիը սուրճ էր խմում:

Ընթրիքի ժամանակ աղջկան տարան սենեակ, բայց նա էլի ոչինչ չէր ուտում. նա վախենում էր տանտիկնոջից և Բրունօից, այնպէս էր վախում, որ տեղից չէր շարժում: Մինչև անգամ Աւգուստի քաղցը խօսքերը չէին խրախուսում նրան:

—Հիմա, Մինօ, գնա և պառկիր,—ասաւ նրան հացթուխի կինը ընթրիքից յետոյ, —վաղը առաւօտեան ժամը 6-ին վեր կը կենաս և Քրիստինէին կօգնես կօշիկները սրբելու: Ծոյլը մեզ պէտք չէ: Մոմ չը վառես, մութ տեղը քնիր:

—Հիմա քեզ միները անշուշտ կուտեն,—շարացնում էր նրան Բրունօն. հայրը տանը չէր, նա համարձակ ծիծաղում էր խեղճ որբի վրա: —Գիտես, այնտեղ մեծ մեծ սարդեր կան, նրանք քո քիթն ու բերանը կը մտնեն... հա, հա, հա, խանում ջութակահար, հրաշալի բնակարան ունես:

Եղօր այդ խօսքերի վրա Աւգուստը սարսափեց:

—Մայրիկ, թող Քրիստինէն նրան լամպով տանի, գոնէ միտյն այսօր, մայրիկ, սանդուխտների վրա մութն է:

—Լուիր, նա մենակ էլ կը գնայ: Դրա համար ծառան էր պակաս:

Մինիօնը մենակ ուղերւեց իր բնակարանը. Վախից դողալով նա կանգնել էր մութ սանդուխտների վրա, մին էլ տեսաւ որ Քրիստինէն իր մօտ է: Լուռ ու մունջ նա բռնեց աղջկայ ձեռքը և սանդուխտներով վեր տարաւ, բայց վերնատուն չը տարաւ, այլ վեր բարձրացաւ մինչեւ երկրորդ յարկը, գուռը բաց արաւ և երբոր նա ուզում էր լամպը վառել, աղջկիը զարմացած նայեց շուրջը: Փոխանակ այն զարհուրելի խցիկի, իրեն տեսաւ մի փոքրիկ կոկլիկ սենեակում: Ամեն ինչ իր տեղն էր և մաքուր: Պատի մօտ դրած էին անկողինը, պահարանը, որի վրա կային լուսանկար պատկերներ:

Վառարանի մօտ տեղաւորւած էին երկու սեղան և մի աթոռ, իսկ պատի մօտ Մինիօնի մահճակալը:

Ի՞նչ բարի հրեշտակ էր, կը հարցնէք դուք, բերել վերնատից մահճակալը: Քրիստինէն էր: Երբոր բոլորը ընթրիքի էին նստել, նա մահճակալը բերել էր իր սենեակը:

—Երեխան չի կարող մենակ քնել մութ սենեակում: Նա սրտաճաք կը լինի, երբ որ մկները կը սկսեն իրենց արշաւանքը, —ասաւ նա լւացարար կնոջը, որն երեկոյեան դէմ եկել էր և բերել Մինիօնի համար հագնելու շորեր և սպիտակեղէն: Բոլոր այդ շորերը նա ուզել էր իր ծանօթ տիկիններից:

—Ես աղջկան կը վերցնեմ ինձ մօտ, իմ սենեակս, —ասաւ Քրիստինէն լւացարարին:

—Իսկ եթէ տանտիկինդ իմանայ, այն ժամանակն ինչ կանես:

—Նա չի իմանայ, նա շատ սակաւ է գալիս այստեղ: Է, որ իմանայ էլ, ինչ պէտք է անի: Մարդ պէտք է բանը խըդառվ բռնի, ինչպէս որ Աստւած է հրամայում:

Քրիստինէն հանւեցը Մինիօնին և դրեց անկողնի մէջ, որը իսկի նման չէր այն տեղաշորին, որը պատրաստել էր հացթուխի կինը առաւօտեան:

Ներքնակի վրա փռած էին սպիտակ-փրփուր սաւանը և տաք վերմակը: Գլխատակը դրած էր փափուկ բմբուլէ բարձը:


Այդ անկողինը Քրիստինէն ժառանգութիւն էր ստացել իր մօրից, բայց չէր բանեցը ել, որովհետեւ ում մօտ ծառայել էր, տեղաշոր էլ ստացել էր: Այսօր նա բաց արեց իր մնդուկը, որտեղ պահում էր իր ժառանգութիւնը և հանեց նրան:

—Է, հիմա, Մինուշ, աղօթիր, գիտեմ դու աղօթել կիմանաս:

Աղջիկը ձեռքերը ջխտեց և սկսեց աղօթել: Աղօթքի վերջը նա աւելացը եց.

—Աստւած, ուղարկիր հայրիկիս ինձ մօտ, վերադարձն իմ ջութակը... Ամէն:

—Հանգիստ քնիր, իմ փոքրիկս, բարի գիշեր, —քնքօրէն



ասաւ Քրիստինէն:—Շուտով ես էլ այն միւս մահճակալի վրա կը քննեմ: Միայն թէ, տես, ոչոքի չասես թէ դու այստեղ ես քնում, մինչև անգամ Աւգուստին չասես, իմացար:

Նա խնամքով ծածկեց աղջկան ու ինքը իջաւ խոհանոց, Նա միշտ լուռ էր, դէմքը տիպուր. եկաւ ու իր գործովն զբաղեց: Ոչ ոք չէր հաւատայ, որ նա հէնց հիմա մի բարի գործ կատարեց:

VI.

ԾԱՆՐ ԿԵԱՆՔ

Ասցաւ երկու շաբաթ: Մէկը մէկի ետևից եկան տիսուր և անմխիթար օրեր: Տիսուր էր ապրում Մինիօնը հացթուխի տանը: Տանտիկինը վատ էր վարւում նրա հետ: Բընունօ

չարացնում էր նրան, իսկ կուրտը ծաղրում էր, և թշւառ աղջիկը մշտական վախից գողում էր: Ինքը հացթուխը նրա մասին չէր հոգում: Նա թէս բարի մարդ էր, բայց միշտ զբաղւած: Նա աղջկան բերեց իր տունը, ուսման վարձը վճարեց և հաշւեց որ իր պարտքը կատարել է, մնացածը թողեց իր կնոջը:

Շուտով Մինիօնը սովորեց թագցնել իր արցունքները, որոնց այնքան չէր սիրում տանտիկինը, բայց դրա փոխարէն քանի գնաց նա աւելի երկշոտ դարձաւ: Միայն Աւգուստն էր որ նրա հետ լաւ և քաղցր էր վարւում: Բարի տղան մօրից ծածուկ իր բերանի համեղ պատառը բաժանում էր որբի հետ, թէս մայրը աչալուրջ հետեւում էր, որ իր երեխաները բարեկամութիւն չանեն այդ մուրացկանի հետ:

Երբեմն տօն օրերին, երբոր մայրը ճաշից յետոյ քնում էր, Աւգուստը գնում էր խոհանոց և երեխաները սկսում էին երաժիշտերաժիշտ խաղալ:

Մինիօնը վերցնում էր խոհանոցի տախտակը և մի որեէ փայտ, այնպէս էր ձևացնում թէ ջութակ է նւագում, իսկ Աւգուստը ֆլէյտ: Այդ միջոցին նրանց դէմքերը այնպէս լուրջ էին, կարծես իսկական ներկայացում տալիս լինէին: Մինիօնը մտախոհ հայեացքը ուղղում էր հեռուն, և իր հոգու մէջ մտաբերում էր այն պիէսները, որ սովորել էր իր հօրից:

—Այժմ ես նւագում եմ պրելիւդիա, —ասում էր նա Աւգուստին: —լսում ես, հիմա էլ սերենադ: Շատ դժւար կտոր է, բայց շատ էլ գեղեցիկ է, այնպէս չէ:

Աւգուստը համաձայնուում էր և գեղեցիկ էր գտնում այն ամենը, ինչ որ նւագում էր իր ընկերունին տախտակի վրա:

—Ախ, Աւգուստ, մէկ էլ իմ ջութակը ինձ տային, —ասում էր խեղճ աղջիկը, —դու գիտե՞ս, որտեղ է պահել մայրիկդ: Եթէ ջութակս ինձ տաս, ես քեզ համար ինչ գիտեմ կը նւագեմ:

Ի՞նչ սիրով կը կատարէր Աւգուստը նրա խնդիրը, եթէ

միայն ջութակի տեղն իմանար: Նա ամեն տեղ որոնում էր ջութակը, բայց իզուր: Նա չէր նկատում այն արկղը, որ դրած էր մի մութ անկիւնում և որի մէջ ընկած էր ջութակը: Միակ լուսաւոր ճառագայթը աղջկայ համար Քրիստինէն էր, որի հետ այնպէս կապւել էր: Քրիստինէն աղջկան սովորեցրել էր գուլպա գործելը, կար անելը: Մինիօնը սիրով ընդունում էր նրա խորհուրդները, կարում կարկատում էր իր շարերը: Սկզբում նրա փոքրիկ մատները չէին հպատակւում, բայց նա հետզհետէ կարդ ու կանոնի սովորեց:

Մի կիրակի օր ճաշից յետոյ Մինիօնը խոհանոցում ուղրում էր գանակները: Յանկարծ խոհանոցի դուռը բացւեց և ներս մտան տանտիկինն ու Բրունօն:

— Դու այստեղ ի՞նչ ես անում, ծոյլ, — բղաւեց տանտիկինը: — Մենք չենք կարող քեզ իշխանուհու նման կրթել ժամանակ է որ դու քեզ համար մի կտոր հաց աշխատես: Վաղը դու կերթաս Բողդանի հետ (հաց ծախող ծառան) հաց տնէ տուն տանելու: Առաջին օրը նա քեզ ցոյց կը տայ թէ հացերն ինչ տեղ պէտք է տանես:

— Նա առաւօտեան դպրոց է գնալու, — նկատեց Քրիստինէն:

— Ես այդ շատ լաւ գիտեմ, միթէ նա չի կարող շուտ վեր կենալ: Ժամը 6-ին թող դուրս գայ տանից, մինչև 8-ը հացերը ցրի, յետոյ գնայ դպրոց: Դու ինչու աչքերդ ինձ վրա չուցիր: Միթէ իմ ասածը չը հասկացաք:

Բրունօն, որ մօր հետ միասին մտածել էին այդ նոր պատիժը, ծամածութիւններ էր անում:

— Օյ, օյ, օյ..., — ասում էր նա, լեզու ցոյց տալով, — դու նման ես մեր կատւին, որ ուզում է ցատկել ու ճանգուել: Ի՞նչ է, չըլինի թէ դու էլ ես ուզում ճանգուել: Ես քեզ ցոյց կը տամ ճանգուել, խանում ջութակահար:

Բրունօն մօտեցաւ թշւառ աղջկան և այնպէս քաշեց նրա մազերից, որ նա ցաւից աղաղակեց:

— Լուիր, անպիտան աղջիկ. ինձ ջղայնացնում է քո ճշոցը, — ասաւ ու մի ծանրաքաշ ապտակ իջեցրեց անմեղ աղջկան:

— Ի՞նչու համար մազերիդ հիւսերը երեսիդ մէջ են առել: Քեզ պէս աղքատ աղջկայ համար այդ ձեր բոլորովին անյարշմար է: Բրունօն, մկրատը բեր:

Բրունօն երկու անգամ կրկնել չը տւեց խօսքը, իսկոյն չքացաւ խոհանոցից և վերադարձաւ ահագին մկրատը ձեռքին:

— Չըխկ, չըխկ, չըխկ, յատակին թափւեցին հրաշալի հիւսերը, հանգուցեալ հօր ուրախութիւնն ու հպարտութիւնը: Մի ըոպէից յետոյ Մինիօնի գլուխը խուզւած տղայի գլուխ դարձաւ:

— Ոյ հիմա խուզած կատու դարձար, քաշալը գնաց տանձի, վախենամ գլուխը խանձի, — կատակում էր Բրունօն, — հա, հա, հա, հա, ինչի՞ նման է: Ոյ թէ դպրոցում քեզ վրա կը ծիծաղեն, հա:

— Աւլիր մազերդ, Մինօն, այնպէս որ ոչ մի մազ չը տեսնեմ յատակին: Հաւաքիր ու ածա վառարանը, վառիր:

Այսպիսի հերոսական գործից յետոյ մայրն ու որդին խոհանոցից գուրս եկան:

Գունատ, վախեցած Մինիօնը վերցրեց աւելը և սկսեց աւել իր մազերը: Նա ուզում էր հաւաքած մազերը կրակն ածել, որ Քրիստինէն ձեռքը բռնեց:

— Թող, — ասաւ նա դողդոջուն ու այլայլած ձայնով, — մի վառիր մազերդ. Ես նրանց կը պահեմ: Գուցէ մի օր այդ անսիրտ կնոջը ցոյց տաս քո մազերը և յիշեցնես նրան թէ ինչպէս վատ է վարւել քեզ հետ: Ով գիտէ, ինչ կարող է պատահել, աշխարհ է:

Քրիստինէն վերցրեց մի մեծ թերթ սպիտակ թուղթ և խնամքով նրա մէջ գրեց աղջկայ հիւսերը, փաթաթեց, ծրարը թելով կապեց և մատիտով վրան գրեց.

«Մինուշի հիւսերը: Կարեց հացթուխի կինը ֆրանկուրտում գեկտեմբերի 2-ին 18... թւին»:

Նա պահեց ծրարը գրպանում, որ ոչ ոք չը տեսնի նրան:

Մինուշը կպաւ Քրիստինէին, իսկ նա էլ սեղմեց աղջկան իր կրծքին, պինդ համբուրելով նրան:

—Մի վշտանայ, Մինուշ, քո ծամերը աւելի լաւ կը գան: Այն ժամանակ ես մազերիդ համար ցանց կառնեմ և մենք նրանց կը թագցնենք ցանցի մէջ: Իսկ այսօր երեկոյեան ես վառարանը կը վառեմ և շոկոլադ կը պատրաստեմ:

Այդ ձեռվ էր Քրիստինէն աշխատում մխիթարել անբախտ որբին:



VII

ԾՆՈՒՆԴԸ

Առաւոտեան վաղ, վաղ, երբ դեռ հացթուխի կինը և երեխաները բաղցը քնած էին լինում, տաք վերմակների տակ, Մինիօնը արդէն դրսումն էր: Հացով լի կողովը առած տնէտուն հաց էր տանում: Առաջին օրը նրան ուղեկցեց Բողդանը, յետոյ ինքը պէտք է վազվագէր մութ փողոցներով, շտապէր, որ դպրոցից ետ չընկնէր: Քրիստինէն խղճում էր խեղճ աղջկան և որքան կարող էր թեթևացնում էր նրա դառը վիճակը: Տանից գուրս զալիս Քրիստինէն նրան տաք սուրճ էր տալիս, փաթաթում էր նրա գլուխը իր մեծ թաշկինակով, հազցնում էր նրան իր ձեռքով գործած ձեռնոցները և այնպէս էր ուղարկում երեխային:

Զը նայելով դրան ցուրտը թափանցում էր նրա շորերի միջից և գողացնել էր տալիս նրան: Խեղճուկը մըսեցը էր իր ձեռներն ու ոտները, որոնք այնպէս սաստիկ ցաւում էին, կօշիկներն էլ սեղմում էին ոտները: Երեխան լալիս էր ոտների ցաւից: Քրիստինէն զանազան դեղեր էր անում, բայց չառողջացան նրա ոտների վէրքերը, և մի օր էլ ասաւ տանտիկնոջը այդ մասին:

—Է, արժէ այդպիսի չնչին բաների մասին խօսել: Աղջիկը պէտք է ցըտի, տաքի սովորի: Մենք չենք կարող նրան

բամբակի մէջ պահել, այն էլ է հերիք, որ կերակրում ենք,— պատասխանեց տանտիկինը:



Քրիստինէն բարկացաւ այդպիսի խստասրտութեան վըրա, թէկ առաջուց սպասում էր այդ բանը:

—Իսկ եթէ, տիկին, ձեր տղաների ոտները ցաւէին, դուք նրանց լոյսը չը բացւած գործի կը դնէիք, —յանկարծ խօսեց Քրիստինէն:

Հացթուխի կինը այնպէս մի այլայլած հայեացք զցեց Քրիստինէի վըրա, որ նրա խօսքը բերանում մնաց:

—Ես քեզ ընդմիշտ արգելում եմ, միւս անզամ այդպիսի անպատշաճ համեմատութիւններ չանես: Միթէ դու չը գիտես, որ իմ որդիքը պատւաւոր ծնողների զաւակներ են, ապա-

գայում մի բան կունենան ուտելու և երբէք մուրացկանութեամբ ուրիշի հացը չեն ուտի:

Ել ի՞նչ կարող էր ասել Քրիստինէն: Խեղձ աղջիկը լուռ ու մունջ դուրս եկաւ և յետոյ իր փողով մի զոյգ թաղիքէ կօշիկ գնեց Մինիօնի համար, որոնք լայն էին և չէին սեղմում վիրաւոր ուսները:

Ժամանակն անցնում էր: Եկաւ Ծնունդը, Աւգուստը մի մեծ ցուցակ գրեց, նշանակեց թէ ի՞նչ է ուզում տօներին և Մինիօնին էլ առաջարկեց նոյնը անելու:

—Ոչ, Աւգուստ, ես հայր ու մայր չունեմ, իմ ուզածները չեմ կարող գրել: Քո մայրը ինձ ցոյց կը տայ դրա համար:

—Ես քեզ բան կը նւիրեմ, Մինիօն: —Չը նայելով որ մայրը արգելել էր, բայց նա դարձեալ նրա նախկին անունն էր տալիս: —Ես իմ փողով քեզ համար ընծայ կառնեմ:

Թաթախմանը լուսաւորեցին տօնածառը:

Զանգը հրաւիրեց երեխաներին և հիւրերին սենեակ: Մինիօնը դունից նայում էր լուսաւորած տօնածառին: Ոչ ոք ուշադրութիւն չէր դարձնում թշւառ որբի վրա, ամեն մէկը իր ընծաներով էր զբաղւած:

—Միթէ Մինօի համար բան չէք պատրաստած, —հարցրեց վերջապէս հացթուխն իր կնոջը:

—Ի՞նչպէս չէ, —կինը արհամարհական ձեռվ մատը ուղղեց դէպի սեղանը: —Դու կարծում էիր թէ նրա ընծաներն էլ մեր երեխաների ընծաների հետ կը լինեն:

Հացթուխը չէր ուզում վէճի բռնւել այդպիսի հանդիսաւոր տօնին, բայց կնոջ խօսքերից չէր իմանում ի՞նչ անէր:

Աւգուստը բերեց Մինիօնին սեղանի մօտ: Դուք հասկացէք թէ ի՞նչ կը լինէին Մինիօնի համար ընծաները: Մի քարետախտակ, 4 քարեգրիչ, երկու տետրակ, երկու խնձոր, մի զոյգ կոշտ, կրունկները մեխած կօշիկ, այդպիսի կօշիկները գիւղացիներն են հագնում: Ի՞նչ տարերութիւն սրա և միւս երեխաների ընծաների մէջ: Բրունօն ոչինչ չընծայեց աղջկան, բայց Աւգուստը իր խօսքի տէրն էր:

Մինիօն, —ասաւ նա առանձին ցնծութեամբ, —այ քեզ իմ Ծննդեան նւէրը: Ես ինքս եմ գնել: Բաց արա և տես ի՞նչ լաւ բան է:

Բրունօն և Կուրտը հետաքրքրւեցին. սրտերը վառւում էր, նրանք ուզում էին իմանալ թէ ի՞նչ կայ կապոցի մէջ: Աւգուստը հպարտութեամբ բաց արեց ծրարը և թղթի միջից երեաց կարմիր մետաքսէ ժապաւէնը: Ժապաւէնով կապեց Մինիօնի մազերը և մի մեծ հանգոյց արաւ:

—Ի՞նչը ան լաւն ես, —բացականչեց նա հիացած, նայելով աղջկայ վրա:

Բրունօն և Կուրտը բարձր ծիծաղեցին, իսկ մայրը կոպիտ կերպով պոկեց ժապաւէնը աղջկայ զլիսից.

—Այս ի՞նչ դիմակահանդէս է, —փնթփնթաց նա և ժապաւէնը շպրտեց յատակին: Ի՞նչպէս ես համարձակւում, յանդուգն երեխայ, փող ծախսել այսպիսի յիմար բաների վըրա:

Աւգուստը կանգնել էր, աշքերը գետին էր զցել և քիչ էր մնում լաց լինէր: Կուրտը ժապաւէնը կապել էր նրա ձակատի շուրջը, բոլորը ծիծաղում էին այդ հնարագիտութեան վրա:

—Ամաչեցէք, ի՞նչու համար էք ծիծաղում Աւգուստի վրա, —վերջապէս միջամտեց հայրը, —ցանկացել է՝ արել է: Վեր առ, Մինօ, քո ժապաւէնը, —քաղցրութեամբ դարձաւ նա դէպի աղջիկը, —սա քեզ է պատկանում, ի՞նչ ուզում ես արա:


Մինիօնը ժապաւէնը վերցրեց և շարունակ իր մօտ պահեց:

Մինիօնը միայն այն ժամանակ ազատ շունչ քաշեց, երբ Քրիստինէի հետ գնաց իր սենեակը:

Բանալով սենեակի դուռը Քրիստինէն ասաւ Մինիօնին, որ նա ներս չը մտնի, մինչև որ ինքը չը կանչի: Մի քանի բոպէից յետոյ լսեց Քրիստինէի ձայնը.

—Իէհ, Մինուշ, հիմա եկ:

—Ա՛, —բացականչեց աղջիկը, ծափ տալով, —այս ինչ
տօնածառ:



Սեղանի վրա կանգնած էր տօնածառը զարդարւած խըն-
ձորներով և ընկոյզներով։ Գոյնզգոյն մեղրամոմերը լուսաւո-
րում էին տօնածառը իր զարդարանքներով։ Հետաքրքիր բա-
ներ էին կախւած ծառից։ Մի շրջազգեստ, որ կարել էին
Քրիստինէի հին շրջազգեստից, մի սև գոզնոց, մի զոյգ տաք
ձեռնոցներ, մի պատկերազարդ գիրք և մի տիկնիկ։ Կախած
էր նաև մի մեղրահաց այս մակազրութեամբ։ «Մինուշին»։

Բախտաւոր աղջիկը ընկաւ Քրիստինէի վիզը։
—Իմ սիրելի բարի Քրիստինէ, դու այնպէս բարի ես,
ինչպէս իմ հայրիկը։

Քրիստինէն սեղմեց որբին իր կրծքին, իսկ սիրտը լցւեց
ուրախութիւնով։ Այդպիսի ուրախութիւն մարդ զգում է այն

ժամանակ, երբ ուրիշն լաւութիւն է անում։ Ամբողջ երե-
կոն Մինիօնը չէր բաժանւում իր տիկնիկից։ Դրել էր իր
ծնկներին և խաղացնում էր։ Իսկ երբոր նրա աչքերը սկսե-
ցին քնից խփւել, վեր կացաւ մտաւ անկողին և տիկնիկն էլ
իր ծոցն առաւ։ Քրիստինէն սենեակը հաւաքեց և քնքօրէն
նայում էր քնած մանկան վրա։ Այօր նա ինչպիսի վարդա-
գոյն թշեր ունի, ինչպէս անհոգ քնել է իր տիկնիկի
հետ։ Ժպիաը խաղում էր նրա վարդագոյն շրթունքների
վրա։

VIII.

Մինիօնի ԶՈՒԹՅԱԿԸ

Վերջապէս անցաւ երկար ու ձանձրալի ձմեռը, եկաւ
ուրախ գարունը։ Խնձորենիները և բալի ծառերը լիովին ծաղ-
կել էին, գաշտերն ու անտառները հոտ էին բուրում։ Երե-
խաները խաղում էին գուրսը, գարնան առաջին ծաղիկներից
իրենց գլուխներին պսակներ էին հիւսում։

Մինիօնը էլ գիշերով վեր չէր կենում։

Հիմա, երբ նա վերջացնում էր իր առաւօտեան գործը,
արեւ արդէն պայծառ փայլում էր և թռչունները ուրախ
ճռւղում էին։ Նրա ոտների վէրքերը առողջացել էին և նա
իր լայն և ծանր կօշիկներով լաւ էր ման գալիս։ Նա քաղա-
քից գուրս չէր գնում, միայն երկու անգամ Քրիստինէի հետ
գերեզմանատուն էր գնացել ծնողների շիրիմները տեսնելու։

Աւգուստը երեմն նրա համար ծաղկէ փունջեր էր բե-
րում, որոնց կապում էր գաշտ ու մարգագետին գնալիս։
Ինչպէս ուրախանում էր աղջիկը ծաղիկների վրա։ Մի ան-
գամ Մինիօնը կանգնած էր լուսամուտի առաջ և նայում էր
ծիծեռնակներին, որոնք իջնում և բարձրանում էին դէպի
ամպերը։

—Քրիստինէ, ծիծեռնակները կարող են երկինք թռչել։

—Ոչ, նրանք չեն կարող այդպէս բարձր թռչել։
—Բայց տեսնում ես, նրանք հասնում են մինչև ամպերը, այ, տես, մէկը ծածկւեց ամպի մէջ, գուցէ երկինք թռռաւ։ Այս, ինչ կը լինէր՝ ես ծիծեռնակ լինէի, թռչէի գնայի հայրիկիս ու մայրիկիս մօտ ու էլ հաց չը ծախէի։

—Մինիօն, —ասաւ մի անգամ Աւգուստը, գալով խոհանոց։ Ես իմ ընկերի մօտ մի հետաքրքիր այգի տեսայ, եկ, մէնք էլ այդպիսի այգի շինենք բակում, արեի տակ։ Ես կտրից մի արկղ կը բերեմ, հողով կը լցնենք, ծաղիկներ կը ցանենք, խնձորենի կը տնկենք, գիտես՝ խնձոր ինչպէս եմ սիրում։

Տանտիկինը Քրիստինէի հետ շուկայ էին գնացել։ Երեխաները իրենց ազատ զգացին և վագեցին բարձրացան կտուրը։ Այնտեղ մի յարմար արկղ չէին գտնում, մէկը մէծ էր լինում, միւսը փոքր։ Նրանք ցած էին գալիս, որ ուրիշ տեղ գնտուն իրենց ուղածը, մին էլ յանկարծ արեի շողքը ընկաւ մի արկղի վրա, որ ընկած էր մութ անկիւնում։

—Այ լաւ արկղ, սա շատ յարմար է, —բացականչեց Աւգուստը, ու երկուսով յարձակւեցին արկղի վրա։

Մին էլ Մինիօնը ուրախութիւնից ճշաց։

—Աւգուստ... իմ ջութակը, իմ ջութակը։

Նա վերցրեց ջութակը և սկսեց թռչկոտել և պարել։ Նա համբուրում էր, սեղմում էր կրծքին ջութակը և չէր իմանում ինչ անէր ուրախութիւնից։ Աւգուստը զարմացած նայում էր իր ընկերունու վրա, որին երբէք այդպէս բախտաւոր և ուրախ չէր տեսել։

—Մի բան նւագիր, —խնդրում էր նա, —միայն թէ շուտով, քանի որ մայրիկը այստեղ չէ։ Նա չը պէտք է իմանայ, որ մէնք ջութակը գտել ենք։

—Գնանք Քրիստինէի սենեակը, այնտեղ երբէք քո մայրը չի մտնում, այնտեղ կը նւագեմ։

Նրանք երկուսով կամաց կամաց, շունչները իրենց քաշած, դուռը բաց արին, մտան սենեակ և նորից փակեցին։

Մինիօնը վերցրեց կնտկնտոցը և սկսեց նւագել իր նախ-

կին մեղեղիները։ Նա իր գիտեցածներից ոչինչ չէր մոռացել։ Լուս, շունչը իրեն քաշած, լսում էր Աւգուստը Մինիօնին, որ կանգնած էր նրա առաջ և ոգեորդած նւագում էր։

Յանկարծ սառն իրականութիւնը ետ բերեց նրանց ցնորքների աշխարհից։ դուռը սաստիկ խփում էին։

—Իսկոյն բաց արէք, —գոչում էր մի բարկացած ձայն, —եթէ ոչ կը ջարդեմ դուռը։

—Մայրիկն է, —սարսափով բացականչեց Աւգուստը ու բացեց դուռն փականքը։

Մինիօնը քարացել մնացել էր ջութակը ձեռքին։ Նրա առաջ կանգնած էին տանտիկինն ու Բրունօն։

—Սնապէտք արարած, որտեղից հանեցիր ջութակը, —կատաղութեամբ յարձակւեց Մինիօնի վրա Աւգուստի մայրը, —ով է քեզ իրաւունք տւել խառնել, իրար տալ կտուրը։

Նա խլեց աղջկայ ձեռքից ջութակը և սկսեց նրանով գլխին վէր հատել։ Աւգուստը իր ձեռքերով պաշտպանում էր Մինիօնին։

—Մայրիկ, —ասում էր նա, —սա մեղաւոր չէ, ես սրան տարայ կտուրը, մի՛ ծեծիր սրան, մայրիկ, խնդրում եմ, մի՛ ծեծիր։

—Կորի այստեղից, —բղաւելով կինը հրեց որդուն մի կողմ։ Նա նորից շարժեց ջութակը, բայց ջութակը ձեռքից ընկաւ գետին։ Աւգուստը ուզում էր բարձրացնի, բայց չար կինը մի կողմ գցեց նրան և սկսեց ոտներով կոխոտել գործիքը։

Մինչև հիմա Մինիօնը անտրտունչ տանում էր ծեծը։ Բայց երբ տեսաւ, որ իր ջութակը ոտի տակին է գցած, այն ժամանակ ուշքի եկաւ, մի ցատկումով թռաւ դէպի իր տանցողը և փորձում էր դէնը քաշել նրան ջութակից։

—Հեռացիր, դու կը ջարդես իմ ջութակը, —ճշում էր նա մի կողմ քաշելով տանտիկնոջը։

—Դու խելագարւել ես, յանդուգն աղջիկ, հեռացիր ինձանից։ Բրունօն, սրան ինձանից պոկիր։

Բրունօն պինդ բռնեց աղջկայ ձեռքերից, թափահարեց օդի մէջ և ուժով գցեց յատակին, հէնց ջարդւած ջութակի

վրա: Մինիօնը յուսահատ ճշաց և լաց եղաւ:

— Քնա խոհանոց, գետնախնձոր մաքրիր, — հրամայեց տանտիկինը, ատելութեամբ նայելով որբ աղջկայ ետեից:

— Աւգաւստ, դու էլ իսկոյն ցած դնա, — դոչեց մայրը սանդուխտների վրայից:

Բայց տղան կանգնել էր Մինիօնի մօտ և աշխատում էր նրան միսիթարել:

— Ես քեզ համար ուրիշ ջութակ կառնեմ իմ փողով: Մի լար, Մինուշիկ, ես չեմ կարող տեսնել քո արցունքները, — ասում էր նա և նրա այտերի վրայից գլորւում էին արցունքները:

— Թանկագին Մինուշիկ, ես հիմա կը դնամ, բայց յետոյ կը գամ, էլ լաց մի լինի, — շշնջաց նա և դնաց:

IX.

Փ Ա Խ Ո Ւ Ս Ը

Կէս ժամ անցկացաւ, մինչև որ Մինիօնը վեր կացաւ և դնաց ներքս: Արցունքները գեռ կաթկաթում էին նրա այտերից, դէմքը ուռել էր ծեծից և լաց լինելուց: Այտի վրայի արնոտ սպին տալիս էր նրան աւելի խղճուկ տեսք: Նա եկել էր խոհանոց ոչ թէ բան անելու, այլ նա Քրիստինէի մօտ էր եկել միսիթարութիւն գտնելու, բայց Քրիստինէն այնտեղ չը կար և նրա փոխարէն օջախի մօտ կանգնած էր տանտիկինը կոնակը դէպի դուռն արած:

Աղջիկը սարսափով ետ թռաւ այդ կնոջը տեսնելիս, որն այնպէս խիստ ծեծել էր նրան. ամբողջ մարմնով դողալով նա ետ դարձաւ: Նոր ծեծ ստանալու վախը նրան թերե աւեց: Նա դուրս եկաւ դարբասից, փողոցով վազեց, դուրս եկաւ մի այլ փողոց և սկսեց վազել: «Կորչեմ այս տնից», ահա այն միակ միտքը որ նրան առաջ էր մղում: Բայց ուր: Նա փախչում էր ու փախչում, ինքն էլ չըգիտէր թէ ուր,

միայն թէ այլևս չը վերադառնար այն չար կնոջ մօտ: Փախչելով նա դուրս եկաւ մի խճուղու վրա ու սկսեց այդ ձանապարհով վազել: Յանկարծ նա լսեց Բրունօի ձայնը ու սկսեց վազել ինչքան որ ուժ ունէր, բայց բանից դուրս եկաւ, որ գա մի էր ետեւից: Մինիօնը տեսնելով որ իրեն հալածող չը կայ, կանգնեց և մի աղատ շունչ քաշեց:

Շրջակայքը լուռ էր և անդորրը: Արել թեքւել էր դէպի արևմուտք: Երբոր արել ծածկւեց աչքից, երկինքը արևմը՝ տեսն կողմում կրակի զոյն ստացաւ: Մինիօնը չէր տեսել արևի մայր մտնելը. լուռ, ձեռքերը կախած, նայում էր փոքրիկը հրեղէն ամպերին: Նա այնպէս էր իմանում թէ երկինքը բացւել է: «Հիմա ես կարող եմ երկինք դնալ: Ծառերի ետևում նա միտնում է երկրին: Ահա ես կը հասնեմ մինչև այնտեղ, կը գտնեմ երկնքի դռները և վերջապէս կը գամ իմ թանկագին հայրիկի ու մայրիկի մօտ»:

Այդպիսի յուսով աղջիկը նորից ընկաւ ձանապարհ: Ճանապարհի շուրջը անմարդաբնակ էր, ոչ ոք չը պատահեց նըրան: Մի քիչ յետոյ անտառի մօտ պատահեց անտառապահի աղքատիկ տնակը: Դուռն շէմքին նստած էր մի պառաւ:

— Ուր ես գնում դու, աղջիկ, — հարցրեց պառաւը Մինիօնին, — եկ հաց կեր:

Աղջիկը քաղցած էր: Նա ակամայ մօտեցաւ և մի կտոր հաց վերցրեց:

— Ի՞նչպէս դու կարող ես մենակ գնալ անտառով, դու կը մոլորւես այնտեղ, ձանապարհով կը կորցնես, արդէն մութըն է: Ո՞րտեղ են քո ծնողները, ի՞նչ է քո անունը:

Մինիօնը չը պատասխանեց այդ հարցերին:

— Ես զարմանում եմ, — ասաւ պառաւը, — ի՞նչ ծնող լինի որ այս ժամանակ իրեն երեխին տանից հանի: Ամօթ իրենց:

— Ես պէտք է երկինք դնամ, — ասաւ Մինիօնը և շարունակեց ձանապարհը:

Նա չէր խափում, նա պէտք է երկինք դնար:

Մտնելով անտառ, նա կանգ առաւ: Ո՞ր ձանապարհով

պնայ, մեծ բանուկ ձանապարհով թէ սիւս կողմի շաւիզով, որ անցնում է գետակի մօտով: Նա առաջինն ընտրեց: Շաւիզը անցնում էր ծառերի միջով, մութ էր. իսկ մեծ ձանապարհը լուսաւորում էր լուսինը: Սրա գունատ, երերուն լոյսը մոլորեցրեց Մինիօնին: Բայց ինչ եղաւ դուռը բաց երկինքը: Նրա առաջ անվերջ երկար ձանապարհն է, իսկ երկինքը դուռ չունի: Աջ ու ձախ բարձրանում են ծառերը: Ժամանակ առ ժամանակ ծառերի խշխցոցն է լսում, կամ մի թոշուն իր տեղն է փոխում, կամ թէ մողէսը խոտերի միջով վաղում է և աղջիկը վախից վեր է թոշում: Մի քանի քայլ առաջ ճղնակոտոր ծառն է ընկել գետին: Լուսնու աղօտ լոյսի տակ նա մի ինչ որ հրէշ է երևում, մի ինչ որ խորհըրդաւոր նշան: Գնացած ժամանակ յանկարծ աղջկայ գլխի վրայից թռաւ բուն. երկիւղից աղջիկը ծածկեց աչքերը, սայթաքեց, կպաւ ծառի արմատին և ընկաւ, բայց վեր բարձրանալ արդէն չը կարողացաւ յոգնածութիւնից և ոտների ցաւից:


Նա այլիս չէր մտածում ոչ երկնքի ձանապարհի, ոչ ծընողների հետ տեսնելու մասին. Նրա մտքերը դարձան դէպի Քրիստինէն, դէպի նրա սենեակը: Նա մինչև անգամ ետ դառնալու մասին էր մտածում:

Աղջիկը խորը հառաչեց, յոգնած աչքերը վակւեցին, բունը տարաւ նրան, իսկ երազում երևաց իր մահճակալը Քրիստինէի սենեակում: Ճանապարհի եզրին ձեռքը բարձի տեղ գլխի տակ դրած, պառկել էր գետնի վրա թշւառ որբը: Նրա շուրջը ճռճոռում էին ճռիկները: Խորը և անուշ քնել էր նա: Լուսինը վերևից լուսաւորում էր նրան և կարծես ասում էր. «Հանգիստ քնիր, անգին մանուկ, մի վախիր, ես քեզ կը պահեմ»:

Լուսադէմին մեծ ձանապարհի վրա երևաց մի օտարոտի կառք: Նա նման էր փայտէ կանաչ տանը, որի լուսամուտները ծածկւած էին վարագոյրներով: Զիաների կողքից գնում էր մի մարդ, որ առապանի նմանութիւն չունէր, նա աւելի շուտ յիշեցնում էր աղքատացած դերասանի:

Դա Օսէփի կերերլէն էր: Նա վերագառնում էր ֆրանկ-ֆուրտից, որտեղ իր չորքոտանի խմբի, այսինքն՝ մի շան, մի քանի կապիկների և երկու ձիերի հետ շուկաներում ներկայացումներ էր տալիս: Հիմա նա իր ամբողջ ընտանիքով, որին պատկանում էին և այս գերասանները, ուղևորուում էր էյգենախ քաղաքը: Նրա հոգին գեղեցիկ տրամադրութիւն ունէր, որովհետեւ նրա գործերը ֆրանկուրտում շատ աջող էին գնացել, շարունակ նա իր քթի տակ շւշւացնում էր: Յանկարծ նա դանդաղացրեց իր քայլերը և ձին կանգնեցրեց: Ճանապարհի մօտ պառկած էր մի քնած աղջիկ, ըիչ էր մընացել ձին ոտի տակ առնի նրան:

— Սա ինչ գիւտ է,— ասաւ նա զարմացած. — սա կենդանի երեխայ է: Էյ, զարթիր, — սկսեց նա ծշմել-շարժել երեխային:



Մինիօնը բաց արաւ աչքերը, բայց միանգամից չը կարողացաւ հասկանալ թէ ինքը որտեղ է գրտնուում և զար-

մանքով նայում էր օտարոտի մարդուն, որ թեքւել էր նըր-
րա վրա:

— Աղջիկ, դու ի՞նչպէս ընկար անտառ։ Ի՞նչ ուրախ գի-
շերելու, ինչ լաւ տեղ ես գտել։

Աղջիկը երկիւզով նայում էր խօսողի վրա։

— Ի՞նչպէս ընկար այստեղ, փախել ես տանից, հա։

— Նա ինձ այնպէս ծեծեց։

— Քեզ ո՞վ ծեծեց, մայրդ։

— Ոչ, չար կինը։ Մայրս մեռած է, նա երկնքումն է,
հայրս էլ երկնքումն է։

— Այդ այդպէս։ Բա դու ո՞ւր ես գնում։

— Չը գիտեմ, — պատասխանեց նա, նայելով դէպի հե-
ռուն, կարծես դէպի երկինք տանող ճանապարհն էր որոնում։

— Ի՞նչպէս, գնում ես և չը գիտես թէ ո՞ւր ես գնում։
Ես կեանքումս այսպիսի բանի չեմ պատահել։ Փախչում է և
չի իմանում ուր։ Ի՞նչ է անունդ։

— Իմ անունը Մինիօն Բրանդ։

— Իսկ քեզ ծեծող կնոջ անունն ի՞նչ է, որի երեսից
փախել ես։ Դու դարձեալ նրա մօտ պէտք է վերագառնաս։

— Ոչ, ոչ, ինչ վերագառնալ, — յուսահատական ճիշ ար-
ձակեց աղջիկը, — ի սէր Աստու ինձ մի վերագարձնէք նը-
րա մօտ։

— Ի՞նչ ես դու երկար ու բարակ խօսում, — ասաւ դերա-
սանի կինը, որ լսում էր խօսակցութիւնը կառքի պատուհա-
նից։ — Բանը շատ պարզ է։ Կը տանենք դրան քաղաք, կը յանձ-
նենք ոստիկանատուն և ուրիշ ոչինչ։

— Դու ճիշտ ես ասում, այ կին, — ասաւ ամուսինը, խը-
փելով իր ճակատին, — դու խելացի կին ես։ Է, աղջիկ, մտիր
կառքը։ Դէ՞ն հիմա առաջ։

Նա մտրակով խիեց ճիերին, և կառքը առաջ շարժւեց։
Մինիօնը մտաւ կատարեալ նոր աշխարհ։

Երբ որ Մինիօնը բաց արեց այն խեղդող, տաք վանդակի
դուռը, նրան դիմաւորեց մեծ սպիտակ շունը և բարձր հաշե-
լով դրեց իր ահապին թաթերը նրա ուսերին։ Աղջիկը վախե-

ցած ետ ետ գնաց, կինը խփեց շանը, իսկ բազմոցի վրայից
լուեց մանկան ձայն։

— Տիկին Պամպադուր, եկէք այստեղ, տւէք ձեր թաթը.
այ այդպէս։ Շատ շնորհակալ եմ։ Տիկին Պամպադուր, իմ
շորերը բերէք։

Իսկապէս, խեղճ կենդանին բերեց չորս տարեկան երե-
խայի շորերը, որ նստել էր բազմոցի վրա և իր հօր պէս
հրամայում էր։

Երեխան շորերը հագնում էր, յանկարծ մի ուրիշ ան-
կիւնից գուրս եկաւ կապիկը և սկսեց նրա գանգուր՝ մազերը
սանրել։

Մինիօնը զարմանքից լուել մնջւել էր, — նա այդպիսի
բան չէր տեսել։ Այդ քիչ էր, մէկ էլ նրա ետեկից լուեց։

— Յիմար, աւագակ։ Բարի լոյս, Օսէփ։
Աղջիկը գլուխը ետ դարձրեց և տեսաւ օղակի մէջ օ-
րորւող կանաչ թռչունը, որ նայում էր նրա վրա և կան-
չում։

— Աւագակ, յիմար։
Այդ ժամանակ կինը սուրճ եփեց և սեղանի վրա շարեց
գաւաթները, դրեց հաց ու կարագ։

Մանուկը, որ քնած էր զամբիւզում և որի գոյութեան
մասին Մինիօնը մինչև հիմի չը գիտէր, սկսեց բարձր
ճշալ։

— Աղջիկ, սուրճ ածա, մինչև որ ես երեխային կերակ-
րեմ։ Սրճամանը վառարանի վրա է, — ասաւ կինը։

Մինիօնը արագ և հմուտ կերպով գործը կատարեց, բան
անելը նա սովորել էր հացթուխի տանը։ Բոլորը սեղան նըս-
տեցին։

— Դու էլ արի, աղջիկ, խմիր և կեր, — ասաւ կինը, — ե-
րեի վաղուց է որ տանից փախել ես։



X.

ՔՐԻՍՏԻՆԵԼ ԹՈՂՆՈՒՄ Է ԻՐ ՏԵՂԲ

Մինիօնի փախուստից յետոյ երկու ժամ էր անցել, երբ որ Քրիստինէն վերադարձաւ տուն։ Զիմանալով ինչ է պատահել, ուրախ մտաւ իր սենեակը ապակէ թռչունը ձեռին, որ առել էր աղջկայ համար։ Մինիօնը տանը չէր, իսկ յատակին ընկած էր ջարդւած ջութակը։ Քրիստինէն վախեցաւ։ Ի՞նչ է պատահել իր բացակայութեան ժամանակ։ Անհանգիստ արտով գնաց խոհանոց իմանալու թէ աղջիկը այնտեղ է։ Աւգուստը լացակամաց հարցրեց թէ Մինիօնին չէ պատահել, և յետոյ ամեն ինչ պատմեց Քրիստինէին, պատմեց թէ մայրըն ինչպէս ծեծեց Մինիօնին։

—Ծեծեց... միթէ... բայց հիմա ուր է աղջիկը, — հարցրեց Քրիստինէն։

— Զը գիտեմ ուր է. որտեղ ասես ման եկայ՝ չը գտայ։

— Այս ի՞նչ բան է, հիմա ժամը՝ եօթն է, — բացականչեց Քրիստինէն։ Թողեց ընթրիքի պատրաստութիւնը, վազեց դուրս, ընկաւ փողոցէ փողոց և պատահողին հարցնում էր թէ այսպիսի մի աղջիկ չեն տեսել։ Մի քանի ժամ անհետեւանք թափառելուց յետոյ տուն վերադարձաւ այն յոյսով թէ աղջիկը տանը կը լինի։ Բայց Մինիօնը չը կար։ Բարկացած տանտիկինը սկսեց հայրոյել Քրիստինէին ընթրիքը չը պատրաստելու և երկար բացակայելու համար։

— Բո ի՞նչ բանն է թէ ինչ է եղել աղջիկը, նրա պատճառով քո տէրերին մոռանում ես։ Նա ուր ուզում է թող գնա։ Եկաւ՝ եկաւ, չեկաւ՝ աւելի լաւ, ոչինչ չենք կորցնի։

Այդ խօսքերը Քրիստինէի համբերութեան բաժակը լցրին։

— Տիրուհի, կարելի է աղջիկը իրեն մի փորձանքի բերեց ձեր պատճառով, նրա մահւան պատճառը դուք կը լինէք։

— Դու երեսում է որ խելագարւել ես, — դոչեց տանտիկինը, դունատւելով այդ մեղաղբանքից։

— Ո՞չ, ես չեմ խելագարւել, դուք անխիղճ կին եք. ես ձիշտն եմ ասում։ Ես էլ չեմ լոի, լսեցէք։ Հենց առաջին օրից, երբ որ աղջիկը ձեր տան շէմքից ոտքը ներս դրեց, դուք սկսեցիք նրան տանջել և քրքրել։ Ինչու համար, ի՞նչ էր արել այդ անմեղ փոքրիկ արարածը։ Բայց յիշեցէք, որ վերին Աստւած կայ։ Ով գիտէ, ինչ է դուքս գալու քո սիրելի Բրունօից, նա ինչքան վիշտ է պատճառելու քեզ։

— Լոիք, անպիտան, խսկոյն կորիք իմ տանից. այս ի՞նչ է, քո հարազատ երեխան է, որ այդպէս նեղանում ես։

— Բո արածը քո ոտք կը գայ։ Ես էլ չեմ մնայ քո տանը, մի գիշեր էլ չեմ մնայ ձեր յարկի տակ առանց աղջկան։ Դուք չը կարծէք թէ աղջիկը քնում էր վերնատանը, նա քը նում էր ինձ մօտ, իմ սենեակում, ես նրա մահճակալը դատարկ տեսնել չեմ կարող։ — Ասաւ ու թիկունքը գարձեց դէպի կատաղած տանտիկինը, և սկսեց հաւաքել իր իրերը։ Նա հաւաքեց նոյնպէս Մինիօնինը, չը մոռացաւ Աւգուստի ընծայած կարմիր ժապաւէնը, հաւաքեց, կապոցը դրեց թեր տակը և հեռացաւ այնտեղից, որտեղ այնքան տարի ազնըւութեամբ ծառայել էր։

Հացթուխը աշխատում էր համոզել նրան, որ չը հեռանայ իր տանից, խոստացաւ հենց այսօր յայտնել ոստիկանութեան աղջկայ անյայտանալու մասին, բայց չեղաւ։ Քրիստինէն գնաց։ Աւգուստը առաջնորդեց Քրիստինէին մինչեւ նրա մեծ քրոջ մօտ և վշտացած վերադարձաւ տուն։ Ճանապարհին աչքերով փնտում էր Մինիօնին, բայց ոչ մի տեղ չը պատահեց։

Հացթուխը կանչեց Բրունօին և ասաւ նրան։

— Խսկոյն գնա ոստիկանատուն և յայտնիք աղջկայ փախուստը։ Կարելի է աղջիկը մոլորւել է քաղաքի փողոցներում։

Լսելով ամուսնու խօսքերը, տանտիկինը լուռ դուրս եկաւ սենեակից և սպասեց Բրունօին։

— Զը գնաս ոստիկանատուն, ես այդ չեմ ուզում։ — ա-

սաւ նա շնչալով, —ինչու ուրիշները իմանան: Փառք Աստծու, որ նա կորաւ գնաց:

Ասաւ ու որդու ձեռքը փող դրեց:

Բրունօն գնաց, դէս դէս թափառեց, փողը մխսեց, յետոյ հանդիսաւ տուն եկաւ:


—Մինիօնի մասին տեղեկութիւն ստացար, —հարցրեց հայրը:

Բրունօն մի սուտ պատմութիւն՝ ստեղեց թէ ինչպէս ինքը գնացել է սստիկանատուն և ինչ է խօսել:

Մինիօնը չը վերադարձաւ հացթուխի տունը, մըս մասին բոլորը մոռացան: Միայն Աւգուստը մտարեցում էր թանկագին ընկերունուն: Նա յաճախ գնում էր Քրիստինէի մօտ իմանալու թէ ինչ եղաւ Մինիօնը, բայց միշտ մինոյն պատասխանն էր ստանում:

—Զը գիտեմ, Աւգուստ, ինչ եղաւ Մինիօնը: Մենք էլ չենք տեսնի Մինուշին, շատ կարելի է նա մեռել է:

Քրիստինէն ողբում էր ազջկան, մեռած համարելով



XI.

ԾՈՒԿԱՅՈՒԹ

Միայն երեկոյեան գէմ երկար թափառելուց յետոյ կերերէն իր խմբով հասաւ Եյգենախը: Նա պէտք է ամբողջ քաղաքը անցնէր, որ հասնէր շուկան: Այնտեղ կեանքը եռում էր: Ահա այնտեղ էր որ կանգ առան մեր ճանապարհորդները: Պ. կերերէն մի սրան վարձեց և այնտեղ սկսեց իր գործը: Միւս օրը պէտք է սկսէին նրա ներկայացումները:

Մինիօնը դիտում էր թէ ինչպէս փուրդօնից տեղափոխում էին կենդանիներին ներկայացման տեղը: Դուրս թռան մի քանի կապիկ, չորս շուն և երկու սև ձի, որոնց կապել էին դռան մօտ հասարակութեան ուշքը գրաւելու համար:

Միւս օր ներկայացման դռան վերեր կարմրին էր տալիս խայտարդէտ ցուցանակը շների և կապիկների նկարներով:

Ճաշից յետոյ սկսւեցին ներկայացումները: Տիկ կերերէն մանուկը գրկին նստած էր մուտքի առաջ և տոմսակ էր վաճառում:

Անցաւ մի քանի օր, կերերէն ժամանակ չունեցաւ յայտնելու կորած աղջկայ մասին ոստիկանութեանը, դերասանները խլում էին նրա ժամանակը: Նա պէտք է նրանց կերակրէր, հնարքներ պէտք է սորվեցնէր:

Մինիօնը նոր ընտանիքի մէջ իրեն բախտաւոր չէր համարում: Ճիշտ է, նա ազատ էր և ոչ ոք նրան չէր տանջում, բայց չէր կարողանում ընտելանալ այդ անկանոն կեանքին: Այդ մարդկանց յաճախակի վէճերը և յիշոցները նրան սարսափեցնում էին. մինչև անգամ փոքրիկ ֆրանցն էլ էր գործածում կոպիտ խօսքեր, իսկ ախտն ու կեղտը, անկանոն կեանքը զգւանք էին զարթեցնում նրա մէջ: Ներկայացումներն էլ նրան գրգռում էին: Նա լաւ գիտէր թէ ինչպէս մի փոքրիկ սխալի համար մտրակով պատժում էին խեղճ գերասանկենդանիներին: Տիկ. Պամպագուրը դարձաւ նրա ամենալաւ բարեկամը: Նրա խաղը ամենից շատ էր ծիծաղեցնում աղջկան: Շունը չափազանց խելացի էր:

Նրա հագած շորը պոչ ունէր, գլխարկը կլոր էր և փետուրներով զարդարած, ման էր գալիս երկու թաթերի վրա, իսկ կապիկը ֆրակ էր հագել թեկերին սեեր կապած: Ծառայում էր շանը, պնակով հաց և միս էր առաջարկում: Այնպէս էլ էր պատահում, որ կապիկը մոռանում էր ծառայի դերը, և ինքն էր թռչում սեղանի վրա, ատամները ցոյց տալով տիկ. Պամպագուրին, երբ որ սա ուզում էր միսը վեցներլու բայց հէնց որ լսում էր պ. կերերէի ձայնը թէ՝ «պ. Ժակ, այդ ինչ ես անում, հրամցրեւ քո տիրունուն» և մինոյն ժամանակ սպասնում էր մտրակը, Ժակը իսկոյն դառնում էր հլու ծառայ:

Բոլորից յետոյ առաջ էին գալիս փոքրիկ պոնիները. նրանք, այսպէս ասած, կազմում էին ներկայացման փայլը: Ֆրանցը հեծնում էր մէկ մի ձին, մէկ միւս ձին և մեծ հնարագիտութեամբ խաղ անում: Դրա համար հանդիսատեսները վարձա-

տրում էին նրան զանագան քաղցրաւէնիքով, իսկ նա իր շնորհակալութիւնն էր յայտնում օդային համբոյրներ ուղարկելով այս ու այն կողմ:

Մի անգամ Մինիօնն ու Ֆրանցը տանը մենակ մնացին: Պ. Կերերէն դուրս էր եկել. հէնց նոր էր կրկնութիւնը վերջացրել իր գերասանների հետ, նւագել պրծել էր և իր հին ջութակը թողել էր սեղանի վրա:

Մինիօնի աչքերը փայլեցին ջութակը տեսնելիս, Գործիքը խլեց տեղից և սկսեց նւագել: Ֆրանցը ծափահարում էր և երբ որ աղջիկը դադարեց, տղան բացականչեց:

—Ելի, էլի, զու հայրիկից լաւ ես նւագում:

—Դու իսկ և իսկ ճիշտ ես ասում,—ասաւ պ. Կերերէն, որ մի քանի բոպէ արդէն ականջ էր դրել դրսից.—աղջիկը հրաշալի է նւագում:

Այդտեղ նրա մէջ մի միտք ծագեց, որի մասին իսկոյն յայտնեց կնոջը.

—Աղջիկը թող մեղ մօտ ապրի, մենք նրան ոչ ոքի չենք տայ:

—Բայց եթէ նրան մեղ մօտ գտնեն. պատժից չենք պրծնի: Ոստիկանութիւնը կատակ չի անի:

—Ում է հարկաւոր որբը: Մենք գտել ենք նրան և ոչ թէ գողացել: Բան է, թէ ազգականներ էլ դուրս գան, ետ կըտանք նրանց: Իսկ հիմա մենք նրանով փող կաշսատենք: Լսիր, այ կին, աղջիկը կընստի ձիու վրա և ջութակ կը նւագի, հասկանում ես, ջութակ կը նւագի: Այդ դեռ չըտեսնւած բան է: Ի՞նչ ես ասում դու դրան:

Կինը համաձայնեց և Մինիօնին փորձի համար նստեցրին ձիու վրա: Աղջիկը բաւականին երկշոտ էր և ձին որ առաջին անգամ աեղից շարժւեց, նա ընկաւ գետին:

—Փինդ պէտք է նստես,—դրկեց Կերերլէն և սանձը տւեց նրա ձեռքը: —Ել փայր չընկնես, եթէ ոչ ես քեզ փայր ընկնել ցոյց կը տամ:

Գերասանը կամաց ձին ման բերեց բեմի շուրջը և Մինիօնն էլ չէր փայր ընկնում: Նա շուտով սովորեց ձիու վրա

պինդ և ուղիղ նստելը: Յետոյ սկսեց ձին քշել առանց սանձի, թէ այդ շատ դժւար էր:

— Երեք օրից յետոյ դու պատրաստ պէտք է լինես, եթէ ոչ վիզդ կոլորեմ, —ասաւ նրան Կերերլէն:

Երեք օրից յետոյ Մինիօնը ձիու վրա նստած նւագում էր ջութակը:

—Այսօր երեկոյեան առաջին ներկայացումը կը լինի, —ասաւ Կերերլէն կնոջը:

Նա կպցրեց աֆիշն իր սրահին հետևեալ մակագրութեամբ: «Մի առանձին չըտեսնւած ներկայացում: Համերգը կը կատարի պոնի ձիու վրա փոքրիկ Մինիօն Մակարօնին»:

Նա աւելացրել էր նրա անւանը իտալական ազգանուն, որ դրանով կարողանայ աւելի մեծ տպաւորութիւն թողնել:


Եւ իսկապէս, նա չըսխալւեց: Կարմիր աֆիշն և օտարազգի անունը գրաւեցին խուռն բաղմութիւն, ներկայացման սրահը լիփ-լեցուն էր և ամենը սպասում էին աղջկայ գուրս գալուն: Վերջապէս հերթը հասաւ Մինիօնին: Կարմիր վարագոյրի աշկից դուրս եկաւ պ. Կերերլէն բռնած Մինիօնի ձեռից: Մինիօնը հագել էր կարճ վարդագոյն շրջազգեստ, ուսերի վրա արծաթ թևերով: Նրա սաթի պէս սև հիւսերի վրա դրած էր վարդէ պսակ:

Նա ամաչելով աչքերը դցեց հասարակութեան վրա և միանգամից նւաճեց բոլորի սրտերը: Դեռ չէր նստել ձիու վրա, որ սկսեց ծափահարութիւնը. ողջունում էին նրա դուրս գտւը:

—Իսկ հրեշտակ լինի, —ասում էին շատ մայրեր և մինչև անգամ արտասւեցին, այնքան որ նա սիրունատես էր և դրաւիչ:

Պ. Կերերլէն բարձրացրեց նրան ձիու վրա և ջութակը ձեռքը տւեց:

—Մի վախիր, մի ամաչիր, համարձակ նւագիր,—շշնջաց նա աղջկան, յետոյ մի թեթև խփեց ձիուն և Մինիօնը նւագեց:



Հովու Շուշուկուն.

Կոդկուցը սկզբում նա վստահ չէր քաշում, բայց յետոյ ձայնը քանի գնաց ուժեղացաւ: Զէ որ նա ջութակը նւագելիս մոռանում էր ամբողջ աշխարհը: Նա մոռացել էր, որ մի անագին բազմութիւն իրեն է նայում և ինքը նստած է ձիու վրա: Նրա միտքը տարաւ իրեն հօր սենեակը: Նրան այնպէս թւաց թէ հայրը կանգնած է իր առաջ, որ ինքը լուսում է թանկագին հօր ձայնը, որ վերջին անգամ ասաւ նրան. «Թանկագին Մինիօն, նւագիր իմ սիրած մեղեղին»:

Բոլորը ցնծում էին և ոգեորւած ծափահարում: Մինիօնը կամաց մօտեցաւ պ. Կերերլէին, որը ուրախութիւնից վերացել էր: Նա հսկայական ծրագիրներ էր կազմում և հաշւում էր այն օգուտը, որ տալու էր Մինիօնը: Բայց յանկարծ նրա

օդային ամրոցները փուլ եկան: Ներկայ եղողներից մէկը, մի փոքրիկ տղայ, ուզում էր մի նարինջ գցել, բայց նարինջը դիպաւ ձիու գլխին. ձին վախեցաւ և ետի ոտների վրա ծառս ելաւ, Մինիօնը սարսափելի ճշոցով կպաւ բաշից: Զայնը աւելի ևս վախեցրեց ձիուն, նա կատաղութեամբ վախցրեց աղջկան: Դեռ չէր վրա հասել պ. Կերերլէն, որ արդէն Մինիօնը գետնի վրա էր և բարձր լալիս էր ցաւից:

Պատահմամբ ներկայ եղողների մէջ բժիշկ կար, որը օգնութեան հասաւ:

—Ոտը կոտրել է, ասաւ նա, զննելով Մինիօնին,—տարէք սրան տուն:

Պ. Կերերլէն միանգամից կոտրւեց. նրա բոլոր օդային ամրոցները փուլ եկան: Լեզուն փակւեց և ոչինչ չըկարողացաւ խօսել:

—Տարէք հիւանգանոց, մենք չենք կարող դրան պահել, —մէջ մտաւ տիկ. Կերերլէն:

—Միթէ սա ձեր աղջիկը չէ, —հարցրեց բժիշկը:

—Ոչ, մենք այդ աղջկան անտառում գտանք և խղճալով վրան մեզ մօտ վերցրինք: Եթէ մենք չըլինէինք, հիմա կորած էր դա: Ինչքան աշխատեցինք իմանալ թէ ում աղջիկն է, ով է, նա չասաւ: Այսօր ամուսինս իմացնելու էր ոստիկանութեանը:

Պ. Կերերլէն շատ բաւական մնաց կնոջ հնարագիտութիւնից: Բժիշկը Մինիօնին առաւ թերին և սկսեց ժողովրդի միջով դուրս գնալ:

Մի միջահասակ սղաղգեստ կին բժշկին կանգնեցրեց:

—Դըիշէք դրան իմ կառքի մէջ, —ասաւ նա: — Իմ տան մէջ դըահամար տեղ կայ: Ես ինքս կըպահեմ այդ մանուկին: Մի նայեցէք, սրա տիսուր մեծ աչքերը ասես թէ իմ հանգուցեալ Բերտայի աչքերը լինեն:

Մինիօնին զգուշութեամբ դրին տիկ, Բըառնի կառքի մէջ: Բժիշկը նստեց նրա մօտ և կառքը ուղեորւեց դէպի հարուստ, անորդի այրի կնոջ տունը:

Հիւանգին պառկեցրին մի մեծ բարձր սենեակում, որի

լուսամուտները նայում էին դէպի այգին և բժիշկը խկոյն սկսեց ոտք կապել:

Տիկ. Բրառնը մտքում վճռել էր մանկան իրեն մօտ պահել, բայց յետոյ նա մտածեց թէ ծնողները արդէն որոնելիս կը լինին Մինիօնին, գրա համար էլ լրագրով յայտարարեց գտած աղջկայ մասին:

Բայց տէրը գուրս չեկաւ և տիկ. Բրառնը հանգստացաւ, իսկ Մինիօնը իրեն շատ բախտաւոր էր զգում բարի կնոջ մօտ:

Երբ որ Մինիօնը առողջացաւ, սկսեց գրել կարդալ սովորել. բայց դարձեալ նրա փայփայած միտքը ջութակ ունենալն էր և նւագելը: Տիկ. Բրառնը առայժմս լռել էր, թէ և վաղուց գիտէր նրա երաժշտական ընդունակութիւնները:

Միայն աշնանը, տեղափոխւելով մայրաքաղաք, տիկինը հրաւիրեց իրեն ծանօթ մի յայտնի ջութակահար և խնդրեց որ փորձէ աղջկայ ընդունակութիւնները և երբ որ ջութակտհարը նրա մէջ մեծ տաղանդ գտաւ, այն ժամանակ յանձնեց աղջկան մի յայտնի պրոֆեսորի, որ հետք պարապի:

Վ Ե Ր Զ Ա Բ Ա Ն

Սնցաւ ութը տարի: Փոքրիկ Մինիօնը արդէն գեղեցիկ ջանձէլ աղջիկ էր և բաւական յայտնի ջութակահար: Տիկ. Բրառնը հպարտանում էր իր որդեգրով և ուղեկցում էր նրան քաղաքէ քաղաք երաժշտական պտոյտների ժամանակի:

Միանգամ Մինիօնին հրաւիրել էին իր յայտնի պրոֆեսորի հետ Ֆրանկիուրտ համերգ տալու, այն քաղաքում, որտեղ մի ժամանակ այնքան դժբախտ էր եղել ինքը, Ութը տարի էր որ հեռացել էր այդ քաղաքից. գեռ փոքրիկ մանուկ, նա ժամանակի ընթացքում մինչեւ անգամ մոռացել էր այդ քաղաքի անունը:

Տիկ. Բրառնն ու Մինիօնը երեկոյեան դէմ մտան ֆրանկիուրտ և վէր եկան այն հիւրանոցը, որ շուկայի հրապարակի վրա էր: Միւս օրը առաւօտեան Մինիօնը դուրս եկաւ պատշգամբ և յանկարծ նրա մտքումը զարթնեցին յիշողութիւններ:

Այ ջրհորը, այ անկիւնի տունը, սրանք իրեն ծանօթ են: Միթէ դու հացավաճառի տունը չէ: Այո, այո, ահա և ցուցանակը, գրած է «Ցուցի հացատունը»: Այո, այո, այս այն քաղաքն է, որտեղից ինքը յուսահատել փախել էր: Նա խկոյն հաղորդեց այդ մասին տիկ. Բրառնին և խնդրեց, որ գնան Քրիստինէին դտնեն:

Տիկ. Բրառնը սիրով համաձայնեց, բայց որ Մինիօնը չէր ուզում ոտք կոխել իրեն համար այնքան ատելի տան շէմքից, տիկ. Բրառնը մենակ մտաւ հացատուն, որ բան իմանայ Քրիստինէի մասին: Հացավաճառ կինը առաջւայ նման նստած էր լուսամուտի մօտ սղի շորերով: Դէմքի արտայայտութիւնը մոայլ էր և բերանի շուրջը վշտից և տիրութիւնից ծալքեր էին գոյացել:

Նա զարմանքով և հետաքրքրութեամբ էր նայում Քրիստինէին հարցնող այդ մեծատուն կնոջ վրա և բաւական բարկացած պատասխանում էր թէ Քրիստինէն վաղուց արդէն մարդու է գնացել և ապրում է Աւազի փողոցի վրա, որտեղ է և իր հացատունը:

Տիկ. Բրառնն ու Մինիօնը խկոյն և եթ գնացին տւած հասցէով: Երբոք կառքը կանգ առաւ հացատան առաջ, այդ բոռէին Քրիստինէն կանգնած էր դռանը: Մինիօնը խկոյն ճանաչում նրան, վրա վաղեց և ընկաւ նրա վզովը:

— Քրիստինէ, անգին Քրիստինէ, միթէ դու ինձ մոռացել ես, — ասում էր Մինիօնը, համբուրելով նրան, — միթէ դու չես ճանաչում քո Մինուշին:

— Մինուշ, քնքուշ աղաւնիս, — բացականչեց Քրիստինէն, լալով և ծիծաղելով ուրախութիւնից և զարմանքից: — Ես քեզ վաղուց մեռած էի համարում:

Քրիստինէն իր ամուսնուն էլ կանչեց, որ նա Մինիօնին տեսնի և հիանայ: Յետոյ տիկ. Բրառնը և Մինիօնը մտան Քրիստինէի համեստ բնակարանը: Մինիօնը իր զլիից անցածը մէկ մէկ պատմեց: Քրիստինէն հա ծիծաղում էր, հալալիս էր լսելով աղջկայ պատմութիւնը:

— Ես միշտ ասում էի, որ երկնքում արդարութիւն կայ:

Թշւառ որբը, Մինուշս իրեն համար սիրող մայր գտաւ, իսկ չար կինը ինքն է հիմա անբախտութեան մէջ: Տղաները տեղը հանեցին: Աւգուստը լաւ տղայ է, կուրաը մի տարի առաջ մեռաւ, իսկ Բրունօն, որին այնքան երես էր տալիս, նրա աշքը հանեց: Նրան վաճառականի մօտ ծառայելու տևին, բայց նա դրամարկղը կոտրեց ու փախաւ Ամերիկա: Մայրը ծերացել է վշտից: Ամուսինը վեց շաբաթ է որ մեռել է կաթւածից, և հիմի ինքը պէտք է ըոլոր ծանրութիւնն ու վիշտը տանի:

— Իսկ՝ ուղ է Աւգուստը, — հարցրեց Մինիօնը:

— Նա երաժիշտ է դարձել: Նա չէր մոռանում, թէ դուք միասին ինչպէս համերգներ էիք տալիս: Հիմա նա գեղեցիկ նւագում է: Բայց ափսոսսւմ եմ աիկ. Տուցի հացատանը: Նա ծախւելու է և կանցնի անարժան մարդկանց ձեռքը. եթէ մենք փող ունենայինք, իսկոյն կառնէինք այդ հացատունը:

Իրարից բաժանւելիս տիկ. Բրաունը ասաւ Քրիստինէին:

— Այսօր ժամը 7-ին եկէք Արքայական հիւրանոց և ինձ հարցրէք. ես ձեզ կը տանեմ Մինիօնի մօտ:

Երեկոյեան համերգի մեծ դահլիճում փայլում էին հազարաւոր ձրագներ, լաւ հագնւած հասարակութիւնը խռնւել էր անցքի առաջ: Տիկ, Բրաունը Քրիստինէին տարաւ դահլիճ: Ակզբում հասարակ կինը ամաչում էր ներս գնալ, բայց տիկ. Բրաունը առաջնորդեց նրան և նստեցրեց իրեն մօտ առաջին շարքում:

Համերգը սկսւեց մի նախերգով, որից յետոյ դուրս եկաւ Մինիօնը իր պրոֆեսորի հետ: Հասարակութիւնը ցնծութեամբ ողջունեց գեղեցիկ գեռահաս աղջկան: Նրա խաղը բոլորին յայտնի էր. եթէ մի քանիսն էլ չէին լսել, բայց կարդացել էին նրան տւած գովասանքները. համեստ ու նազելի կերպով նա գլուխ էր տալիս ամեն կողմից:

— Մինիւշ, — բաւական բարձր բացականչեց Քրիստինէն և բռնեց տիկ. Բրաունի ձեռքը, — նայիր, Տէր Աստւած, ի՞նչ է դառել այն պստիկ աղջիկը: Երանի խեղճ հայրը կենդանի լինէր և իր աչքովը տեսնէր:

Մինիօնը նւագելիս, լիքը լցւած դահլիճը այնպէս լուռ

էր, որ ճանձի թռչելու ձայնը կը լսւէր: Բոլորը հիացել էին, իսկ Քրվստինէն ուրախութիւնից լալիս էր, երբ որ նա համերգից յետոյ նկարագրում իր էր ամուսնուն Մինիօնի նւազը, ասում էր թէ իրեն այնպէս էր թւում, որ կարծես թէ հրեշտակները դաս-դաս երգում էին երկնքում, նրանք երգում էին երբեմն ուրախ, երբեմն տխուր, այնպէս որ ինքն ուզում էր լաց լինել: Եւ ինչպէս նա գեղեցիկ էր իր թանկագին մետաքսէ շրջազգեստով, մազերին հազցրած ոսկէ օղակով, իսկ և իսկ հեքիաթական փերի:

* * *

— Մայրիկ, — ասաւ Մինիօնը քաղաքից գնալու նախընթաց օրը, — ես քեզանից մի խնդիր ունիմ: Ես ուզում եմ մինչեւ մեր գնալը ուրախացնեմ Քրիստինէին: Զէ որ նա իմ պահապան հրեշտակն է եղել իմ կեանքի այն ծանը օրերին:

— Այո, այո, — ասաւ տիկ. Բրաունը, համբուրելով աղջկայ ձակատը, — այդ շատ լաւ բան է, որ դուն ուրիշի արած լաւութիւնը չես մոռանում:

Նա բացարեց փողի արկղիկը, որտեղ շատ ոսկի կար:

— Այս բոլորը քոնն է, գուն այս փողերը ստացար այս վերջին համերգից: Ինչպէս ուզում ես, այնպէս կարգադրիր:

Միւս օրը առաւօտ Մինիօնը մնաս բարով ասաւ Քրիստինէին, որը առաջնորդել էր նրան գերեզմանատուն հօր շիրիմը տեսնելու:

— Երանի թէ նա կարողանար քեզ տեսնել և լսել, Մինիւշ, — հառաչեց Քրիստինէն:

— Նա ինձ տեսնում էլ է, լսում էլ, Քրիստինէ, նա միշտ ինձ հետ է եղել, — ասաւ Մինիօնը, — առանց նրան ես այժմեան Մինիօնը չէի դառնալ: Երբ որ ես կնդինդոցը կացնում եմ իմ ջութակի լարերին, զգում եմ հօրս մօտիկութիւնը. նա ժաման է ինձ և յաճախ ես լսում եմ նրա խօսքը.

— « Հաւ է, Մինիօն, դու տյս շատ լաւ նւազեցիր» :

Մինիօնի գնալուց յետոյ Քրիստինէն մի փողի ծըար ստացաւ հետեւալ մակագրութեամբ. «Իմ թանկազին Քրիստինէին՝ Տուցի հացատունը առնելու պակասորդ փողը. Երբ որ կը նստես քո տան լուսամուտի առջև, երբեմն յիշիր այն անտէր որբին, որին դու այնպէս սիրով էիր վերաբերւում» :

Քո Մինոււ

(Քո Մինոււ)





Տպ.
500 1543



